

2261

PALI COURSE

FOR

The Matriculation Examination

Calcutta University

(1930-32)

MAHENDRA KUMAR GHOSE, M.A., B.L.

Lecturer, Calcutta University.

P1511

11G06

Price Rs. 1/-

P1511
UG 06

2261

Ghose, Mahendra Kumar
Pali course.

2261.

● ● ● ● ●

**Please return this volume on or before the date last stamped
Overdue volume will be charged 1/- per day.**

[illegible]

3881

PALI COURSE

FOR

The Matriculation Examination
Calcutta University
(1930-31)

MAHENDRA KUMAR GHOSE, M. A. B. L.
Lecturer, Calcutta University

Third Edition

5881

Price Re. 1/-

Printed by N. C. PAUL
The Calcutta Oriental Press
107 Mechuabazar Street
Calcutta


P1511
111GOG

~~1882~~

SRI JAGADGURU VISHWARADHYA
JNANA SIMHASAN JNANAMANDIR
LIBRARY.

Jangamwadi Math, VARANASI,

Acc. No.  2261

Acc. No. ~~145~~ 

PUBLISHED BY :—

M. GHOSE

10 Chaulputti Lane
Bhowanipur, Calcutta

PREFACE.

This Book is intended for the students going up for the Matriculation Examination of the Calcutta University in the year 1930 and 1931. It contains the complete Matric Pali Course and endeavour has been made to insert the correct readings as far as practicable.

I shall consider my labour sufficiently rewarded if the book proves useful to those for whom it is intended.

In the syllabus for 1930 chapters I to II of *Dīpavamsa* have been omitted and *Nidhikaṇḍa sutta* and *Maṅgala Sutta* from *Khuddakapāṭha* have been included, but in the Syllabus for 1931 only chapter III of *Dīpavamsa* has been retained and the whole of *Khuddakapāṭha* has been included.

THE EDITOR

CONTENTS.

PROSE

PAGE.

1	Sum Sumāra Jātaka	1
2	Vānarinda Do	3
3	Sīha Camma Do	6
4	Ulūka Do	8
5	Baka Do	10
6	Javasakuṇa Do	13
7	Kuruṅga miga Do	15
8	Bāveru Do	18
9	Matakabhatta Do	20
10	Silānisamṣa Do	23
11	Cammasāṭaka Do	20
12	Sasa Do	28
13	Nigrodhamiga Do	32
14	Valāhassa Do	37
15	Catudvāra Do	40
16	Suppāraka Do	42
17	Ucchaṅga Do	43
18	Vedabbha Do	49
19	Dadhivāhana Do	51
20	Mahāsilava Do	62

POETRY

*dīpavamso

In 1930—Chapters III to V.

In 1931—Chapter III only.

*khuddakapāṭha

In 1930—Maṅgala Sutta and Nidhi Kaṇḍa Sutta

In 1931—Whole of Khuddakapāṭha by eGangotri

PĀLI COURSE.

—:0:—

SUMSUMĀRA JĀTAKA.

Atīte Bārāṇasīyaṃ Brahmadaṭṭe rajjaṃ kārente
Himavantapadesa Bodhisatto kapiyonīyaṃ nibbatitvā
nāgabalo thāmasampanno mahāsārīro sobhaggappatto
huvā Gaṅgānivattane araṇṇāyatane vasaṃ kappesi.

Tadā Gaṅgāya eko sumsumāro vasi. Ath'assa bhariyā
Bodhisattassa sarīraṃ disvā tassa hadayaṃsaṃ dohaṃ
uppādetvā sumsumāraṃ āha: „ahaṃ sāmi etassa kapirā-
jassa hadayaṃsaṃ khāditukāmaṃ” ti.

„Bhadde, mayaṃ jalagocaraṃ, esa thalagocaro, taṃ
kathaṃ gaṇhituṃ sakkhissāmaṃ” ti. „Yena tena upāyena
gaṇha, sace na labhissāmi marissāmi” ti.

„Tena hi mā bhāyi, atth' eko upāyo ti khādāpessāmi
naṃ tassa hadayaṃsaṃ” ti sumsumārīṃ samassāsetvā
Bodhisattassa Gaṅgāya pāṇīyaṃ pivitvā Gaṅgātīre
nisinnakāle santikaṃ gantvā evaṃ āha: „vānarinda,
imaṃ padese kaṣāṭa phalāni khādanto kiṃ tvaṃ
cinnatṭhāne yeva carasi, pāra-Gaṅgāya ambalabujādīnaṃ
madhuraphalānaṃ anto n' anthi, kiṃ te tattha gantvā
phalāphalaṃ khādituṃ na vaṭṭatī” ti.

„Kumbhīlarāja, Gaṅgā mahodikā vitṭinṇā, kathaṃ
tattha gamissāmi” ti. „Sace gacchasi ahaṃ taṃ mama
piṭṭhiṃ āropetvā nessāmi” ti. So taṃ saddahitvā „sādhūti
sampaṭicchi.

"Tena hi ehi, piṭṭhiṃ me abhirūhā" 'ti ca vutte taṃ abhirūhi. Sumsumāro thokaṃ netvā udake osīdāpesi. Bodhisatta „samma, udake maṃ osīdāpesi, kin nu kho-etan" ti āha.

"Nāhan taṃ dhamme sudhammatāya gahetvā gacchāmi, bhariyāya pana me tava hadayamaṃse dohaḷo uppanno, taṃ ahaṃ tava hadayaṃ khādāpetukāmo" ti.

„Samma, kathentena te sundaraṃ kataṃ, sace hi ambhakaṃ udare hadayaṃ bhaveyya sakhaggesu carantānaṃ cunṇavicunṇaṃ bhaveyyā" ti.

„Kahaṃ pana tumhe ṭhapethā" 'ti. Bodhisatto avidūre ekaṃ udumbaraṃ pakkaphalapinḍisampannaṃ dassento „pass' etāni ambhakaṃ hadayāni ekasmiṃ udumbare olambantīti".

„Sace me hadayaṃ dassasi ahan taṃ na māressāmīti.

„Tena hi maṃ ettha nehi, ahan te rukke olambantaṃ dassāmīti". So taṃ ādāya tattha agamāsi.

Bodhisatto tassa piṭṭhito uppatitvā udumbararukkhe nisīditvā „samma bāla sumsumāra, imesaṃ sattānaṃ hadayaṃ nāma rukkhagge hotīti saññi ahoṣi, bālo si, ahan taṃ vañcesim, tava phalāphalaṃ tameva hotu, sarīraṃ eva pana te mahantaṃ, paññā pana n' atthīti" vatvā imam atthaṃ pakāsento imā gāthā avoca :

Alaṃ etehi ambehi jambūhi panasehi ca

yāni pāraṃ samuddassa, varaṃ mayhaṃ udumbaro.

Mahatī vata te bondi, na ca paññā tadūpikā,

Sumsumāra vañcito si, gaccha dāni yathāsukhaṃ ti

Sumsumāro sahasaṃ parājito viya dukkhī dummano
pajjhāyanto attano nivesanaṭṭhānaṃ eva gato.

VĀNARINDA-JĀTAKA.

Atīte Bārāṇasīyaṃ Brahmadaṭṭe rajjam kārente Bo-
dhisatto kopiyaṇiyaṃ nibbattivā vuddhiṃ anavāya assa-
potappamāno thāmasampanno ekacaro hutvā nadītīre
viharati.

Tassā pana nadiyā vemajjhe eko dīpako nānappa-
kārehi ambapanasādīhi phalarukkhehi sampanno.
Bodhisatto nāgabalo thāmasampanno nadiyā orimatīrato
uppativā—dīpakassa orato nadīmajjhe eko piṭṭhipāsāṇo
atthi—tasmīṃ nipatati, tato uppatitvā tasmīṃ dīpake
patati.

Tattha nānappakārāṇi phalāṇi khāditvā sāyaṃ ten'
eva upāyena paccāgantivā attano vasaṇatṭhāne vasitvā
punadvase pi tath' eva karotī. Iminā niyāmena tattha
vāsaṃ kappeti.

Tasmīṃ pana kāle eko kumbhīlo sapajāpatiko tassā
nadiyā vasati. Tassa sā bhariyā Bodhisattam aparāpa-
raṃ gacchantam disvā Bodhisattassa hadayamaṃse doha-
ḷaṃ uppādetvā kumbhīlaṃ āha: „mayhaṃ kho ayya
imassa vānarindassa hadayamaṃse dohaḷo uppanno“ ti.

Kumbhīlo „sādhū bhadde lacchasīti“ vatvā „ajja taṃ
sāyaṃ dīpakato āgacchantam eva gaṇhissāmīti“ gantvā
piṭṭhipāsāṇe nipajji.

Bodhisatto divasaṃ caritvā sāyaṇhasamayā dīpake
thito va pāsāṇaṃ oloketvā „ayaṃ pāsāṇo idāni uccaṭaro
khāyati, kiu nu kho kāraṇaṃ“ ti cintesi.

Tassa kira udakappamāṇaṃ ca pāsāṇappamāṇaṃ ca suvavatthāpitam eva, ten' assa etad ahosi: „ajja imissā nadiyā udakaṃ n' eva hāyati na, ca vadḍhati, atha ca paṇāyaṃ pāsāṇo mahā hutvā paññāyati, kacci nu kho ettha mayhaṃ gahaṇatthāya kumbhīlo nipanno“ ti so „vimaṃsāmi tāva na“ ti tatth' eva tathavā pāsāṇena saddhiṃ kathento viya „bho pāsāṇa“ ti vatvā paṭivacanaṃ alabhanto yavatatiyaṃ „bho pāsāṇa“ 'ti āha.

„Pāsāṇo kiṃ paṭivacanaṃ na dassatīti“ puna pi naṃ vānaro „kiṃ bho pāsāṇa ajja mayhaṃ paṭivacanaṃ na desīti“ āha. Kumbhīlo „addhā aññesu divasesu ayaṃ pāsāṇo vānarindassa paṭivacanaṃ adāsi, dassāmi dāni 'ssa paṭivacanaṃ“ ti cintetvā „kiṃ bho vānarindā“ 'ti āha.

„Ko si tvan“ ti. „Ahaṃ kumbhīlo“ ti. „Kimattham ettha nipanno sīti“ vutte tava hadayaṃsaṃsaṃ patṭhaya-māno“ ti.

Bodhisatto cintesi: „añño me gamanamaggo n' atthi, ajja mayā esa kumbhīlo vañcetaḥḥ“ ti.

Atha naṃ evaṃ āha: “samma kumbhīla, ahaṃ attānaṃ pariccajissāmi, tvaṃ mukhaṃ vivaritvā maṃ tava santikaṃ āgatakalē gaṇhāhīti“. Kumbhīlānaṃ hi mukha vivare akkhīni nimilanti. So taṃ kāraṇaṃ asallakkhetvā mukhaṃ vivarī, ath' assa akkhīni pibhiyimsu. So mukhaṃ vivaritvā akkhīni mimiletvā nipajji.

Bodhisatto tathābhāvaṃ ſiatvā dīpakā uppatito gantvā kumbhīlassa matthakaṃ akkamitvā tato uppatito vijju-llatā viya vijjotamāno paratīre atṭhāsi.

Kumbhīlo taṃ acchariyaṃ disvā „iminā vānarindena
aticcherakaṃ katan“ ti cintetvā,, bho vānarinda, imasmim
loke catūhi dhammehi samannāgato puggalo paccāmitte
abbibhavati, te sabbe pi tuyhaṃ abbhantare atthi maññe'
ti vatvā imaṃ gātham āha.

Yass' ete caturo dhammā

Vānarinda yathā tava ;

Saccaṃ dhammo, dhiti, cāgo

Diṭṭhaṃ so ativattatīti.

Evam kumbhīlo Bodhisattaṃ paṃsītvā attano
vasanattṭhānaṃ gato.

SIHACAMMA-JĀTAKA.

Atīte Bārāṇasiyaṃ Brahmādatte rajjaṃ kārente
Bodhisatto kassakakūle nibbatitvā vayappatto kasika-
mena jīvikaṃ kappesi.

Tasmīm kāle eko vāṇijo gadrabhabhārakena vohāraṃ
karonto vicarati. So gatagatatthāne gadrabhassa piṭṭhito
bhaṇḍikaṃ otāretvā gadrabhaṃ sihacammena pārupitvā
sāliyavakhettesu vissajjeti.

Khettarakkhakā taṃ disvā siho ti saññāya upasaṃ-
kamtum na sakkonti.

Athekadivasam so vāṇijo ekasmīm gāmadvāre nivā-
saṃ gahetvā pātarāsaṃ pacāpento tato gadrabhaṃ siha-
cammaṃ pārupitvā yavakhettaṃ vissajjesi.

Khettarakkhakā siho ti saññāya taṃ upagantum
asakkontā gehaṃ gantvā ārocesum. Sakalagāma-vāsino
āvudhāni gahetvā saṅkhe dhamenta bheriyo vādentā
khettasamīpaṃ gantvā unnadimsu.

Gadrabho maraṇabhayaabhīto gadrabharavaṃ ravi.
Athassa gadrabhabhāvaṃ fiatvā Bodhisatto paṭhamam
gāthamāha :

Netam sihassa naditam
na vyagghassa na dīpino,
pāruto sihacammena
jammo nadati gadrabho ti.

Gālavāsino pi tassa gadrabhabhāvaṃ ñatvā atṭhīni
bhañjantā pothetvā sīhacammaṃ ādāya agamaṃsu. Atha
so vāṇijo āgantvā taṃ vyasanapattam gadrabham
disvā dutiyam gāthamāha :

Ciraṃ pi kho taṃ khādeyya
gadrabho haritaṃ yavaṃ
pāruto sīhacammena,
ravamāno ca dūsayīti.

Tasmim evaṃ vadante yeva gadrabho tattheva mari ;
vāṇijo pi taṃ pahāya pakkāmi.

ULŪKA-JĀTAKA.

Atīte paṭhamakappikā sannipatitvā ekaṃ abhirūpaṃ sobhaggappattaṃ āṇāsampannaṃ sabbākāraparipunṇaṃ purisaṃ gahetvā rājānaṃ karimsu, catuppadāpi sannipatitvā ekaṃ sihaṃ rājānaṃ karimsu, mahāsamudde macchā Ānandaṃ nāma macchaṃ rājānaṃ akaṃsu.

Tato sakunaṇaṃ Himavantappadese ekasmiṃ piṭṭhi-pāsāṇe sannipatitvā 'manussesu rājā paññāyati, tathā catuppadesu ceva macchesu ca, ambhakaṃ panantare rājā nāma natthi.'

Appatissavāso nāma na vaṭṭati, ambhakaṃ pi rājānaṃ laddhuṃ vaṭṭati. Ekaṃ rājatṭhāne ṭhapetabbayuttakaṃ jānathā' ti te tādisaṃ sakunaṃ olokayamānā ekaṃ ulūkaṃ rocetvā 'ayaṃ no ruccatī' ti āhaṃsu.'

Atheko sakuno sabbesaṃ ajjhāsaya gahaṇatthaṃ tikkhattuṃ sāvesi. Tassa sāventassa dve sāvanā adhi-vāsetvā tatiyasāvanāya eko kāko utthāya 'tiṭṭha tāvetassa imasmiṃ rājābhisekakāle evarūpaṃ mukhaṃ, kud-dhassa kīdisaṃ bhavissati' 'iminā hi kuddhena olokitaṃ mayā tattakapāle pakkhittatīlā viya tattha tattheva bhijjissāma, imaṃ rājānaṃ kātuṃ mayhaṃ na ruccatī 'ti, imaṃ atthaṃ pakāsetuṃ paṭhamāṃ gāthamāha:

Sabbehi kira ñātīhi
kosiyo issaro kato,
sace ñātīhi anuññāto
bhaneyyāhaṃ ekavāciyaṃ ti.

Atha nam anujānantā sakunā dutiyam gātham
āhaṃsu :

Bhaṇa samma anuññāto
attham dhammañ ca kevalam,
santi hi daharā pakkhī
paññavanto jutindharā ti.

So evaṃ anuññāto tatiyam gātham āha :—

Na me ruccati bhaddam
vo ulūkassābhisecanam,
akuddhassa mukham passa
katham kuddho karissatīti.

So evaṃ vatvā “mayham na ruccati, mayham na ruccatīti
viravanto ākāse uppati. Ulūkopi nam utthāya anubandhi.
Tato paṭṭhāya te aññamaññaṃ veraṃ bandhimsu. Sakunā
suvanṇahamsaṃ rājānaṃ katvā pakkamimsu.

BAKA-JĀTAKA.

Atīte ekasmim araññāyatane Bodhisatto aññātaram padumasaram nissāya thīte rukke rukkhadevatā hutvā nibbatti. Tadā aññātaramasmim nātimahante sare nidāgha- samaye udakam mandam ahosi, bahū cettha macchā honti.

Atheko bako te macche disvā 'ekenupāyena ime macche vañcetvā khādissāmi' ti gantvā udakapariyante cintento nisīdi.

Atha tam macchā disvā 'kimayya cintento nisinnosī' ti ? pucchimsu. 'Tumbākam cintento nisinnomhī' ti. 'Amhākam kim cintesī ayyā ti ?' Imasmim sare udakam parittam, gocarō ca mando, nidāgho ca mahanto ; idānīme macchā kim nāma karissantī' ti tumbākam cintento nisinnomhī' ti.

'Atha kim karoma ayyā' ti ? 'Tumhe sace mayham vacanam kareyyātha aham vo ekekam mukhatuṇḍakena gahetvā ekam pañcavaṇṇapadumasañchannam mahāsa- ram netvā vissajjeyyan' ti.

'Ayya, paṭhamakappikato paṭṭhāya macchānam cin- tanakabako nāma natthi. Tvaṃ amhesu ekekam khādi- tukāmosī' ti.

'Nāham tumhe mayham saddahante khādissāmi, sace pana sarassa atthibhāvaṃ mayham na saddahatha ekam maccham mayā saddhim saram passitum pesethā' ti.

Macchā tassa saddahitvā 'ayam jale pi thale pi samat- tho' ti ekam kāṇamahāmaccham adamsu : 'imam gahetvā gacchathā' ti.

So taṃ gaheṭvā netvā sare vissajjetvā sabbam saram dassetvā puna ānetvā tesam macchānam santike vissajjesi. So tesam macchānam sarassa sampattiṃ vaṇṇesi.

Te tassa katham sutvā gantukāmā hutvā 'sādhu, ayya, amhe-gaṇhitvā gacchāhi' ti āhaṃsu.

Bako paṭhamam taṃ kāṇamahāmacchameva gaheṭvā saratīraṃ netvā saram dassetvā saratīre jāte varaṇarukkhe niliyitvā taṃ viṭapantare pakkipitvā tuṇḍena vijjhanto jīvitakkhayaṃ pāpetvā maṃsam khāditvā kaṇṭake ruk-khamūle pātetvā puna gantvā 'vissatṭho me so maccho añño āgacchatū' ti etenūpāyena ekekaṃ gaheṭvā sabbā-macchake khāditvā puna āgato ekamacchampi nāddasa.

Eko panettha kakkatāko avasiṭṭho. Bako tampi khā-ditukāmo hutvā—'bho kakkatāka, mayā sabbe te macche netvā paḍumasañchanne mahāsare vissajjitā; ehi, tampi nessāmi' ti. 'Maṃ gaheṭvā gacchanto katham gaṇhissasi?' ti. 'Dasitvā gaṇhissāmi' ti. 'Tvaṃ evaṃ gaheṭvā gacchanto maṃ pāteṣṣasi, nāhan tayā saddhiṃ gamissāmi' ti. 'Mā bhāyi, ahan taṃ sugahitaṃ gaheṭvā gamissāmi' ti.

Kakkatāko cintesi: imassa macche netvā sare vissan-jjanam nāma natthi, sace pana maṃ sare vissajjessati iccetaṃ kusalam, no ce vissajjessati gīvaṃ assa ohin-ditvā jīvitaṃ harissāmi' ti.

Atha naṃ evaṃ āha: 'samma baka, na kho tvaṃ sugahitaṃ gaheṭum sakkhissasi. Ambhakaṃ pana gaha-ṇam sugaṇaṇam; sacāhaṃ aḷena tava gīvaṃ gaheṭum labhissāmi, tava gīvaṃ sugahitaṃ katvā tayā saddhiṃ gamissāmi' ti.

So tam 'vañcetukāmo esa maṇ' ti ajānanto 'sādhū' ti sampatiṇṇhi. Kakkatako attano aḷehi kammārasaṇḍāsena viya tassa gīvaṃ sugahitaṃ katvā 'idāni gacchā' ti āha.

So tam netvā saraṃ dassetvā varaṇarukkhābhimukho pāyāsi. Kakkatako āha: 'mātula, ayaṃ saro ettha tvaṃ pana ito nesī' ti.

Bako 'piyamātulako atibhaginiputto si me tvaṇ' ti vatvā 'tvaṃ 'esa maṃ ukkhipitvā vicaranto mayhaṃ dāso ti saññaṃ karosi maññe, passetaṃ varaṇarukkhamūle kaṇṭakarāsiṃ yathā me te sabbamacchā khāditaṃ tampi tatheva khādissāmi' ti āha.

Kakkatako 'ete macchā attano bālatāya tayā khāditaṃ, ahampana te maṃ khāditaṃ na dassāmi. Taññeva pana vināsaṃ pāpessāmi: tvaṃ hi bālatāya mayā vañcitabhāvaṃ na jānāsi, marantaṃ ubho pi marissāma. Esa te siraṃ chinditvā bhūmiyaṃ khipissāmi' ti vatvā saṇḍāsena viya aḷehi tassa gīvaṃ nippīlesi.

So vattakatena mukhena akkhihi assunā paggharantena maraṇabhayaatajjito 'sāmi, ahantaṃ na khādissāmi, jīvitaṃ me dehi' ti āha: Yadi evaṃ oṭaritvā sarasmiṃ maṃ vissajjehi' ti.

So nivattitvā sarameva oṭaritvā kakkatakaṃ sara-pariyante paṇkapitṭhe ṭhapesi. Kakkatako kattarikāya kumudanaḷaṃ kappento viya tassa gīvaṃ kappetvā uḍakaṃ pāvisi.

Taṃ acchariyaṃ disvā varaṇarukkhe adhivatthā devatā sādhukāraṃ dadamānā vanaṃ unnadayamānā madhura-ssarena imaṃ gātham āha:

Naccanta nikatippaṇṇo
nikatyā sukham edhati,
ārādhe nikatippaṇṇo
bako kakkataka-m-ivā ti.

Atīte Bārāṇasīyaṃ Brahmadaṭṭe rājjaṃ kārente
Bodhisatto Himavantappadese rukkhakoṭṭhakasakuṇo
hutvā nibbatti. Athekassa sīhassa maṃsaṃ khādaṇtassa
aṭṭhi gale laggi, galo uddhumāyī, gocaraṃ gaṇhituṃ na
sakkoti, kharā vedanā vattantī.

Atha naṃ so sakkuṇo gocarapasuto disvā sākāya
nilīno 'kin te samma dukkhaṇ?' ti pucchi. So tam
atthaṃ ācikkhi. 'Ahaṇ te samma etaṃ aṭṭhiṃ apaney-
yaṃ, bhayena paṇa te mukhaṃ na pavasiṭuṃ viśahāmi,
khādeyyāsi pi maṇ' ti.

'Mā bhāyī samma, nāhaṇtaṃ khādāmi, jīvitaṃ me
dehī' ti. So 'sādhū' ti taṃ passena nipajjāpetvā 'ko
jānāti kiṃ pesa karissatī' ti cintetvā yathā mukhaṃ pida-
hituṃ na sakkoti tathā tassa adharoṭṭhe ca uttaroṭṭhe ca
daṇḍakaṃ ṭhapetvā mukhaṃ pavasiṭvā aṭṭhikoṭṭhiṃ tuṇḍe-
na pahari. Aṭṭhi patitvā gataṃ.

So aṭṭhiṃ pātetvā sīhassa mukhato nikkhamanto
daṇḍakaṃ tuṇḍena paharitvā pātentō nikkhamitvā sāk-
agge niliyi. Sīho nirogo hutvā ekadivasam vanamahī-
sam vadhitvā khādati. Sakkuṇo 'vīmaṃsissāmi naṇ' ti
tassa uparibhāge sākāya niliyitva tena saddhiṃ salla-
panto paṭhamam gāthamāha :

Akaramhase te kiccaṃ
yaṃ balaṃ ahuvamhase,
migarāja namo tyatthu,
api kiñci labhāmase.

Taṃ sutvā siho dutiyaṃ gāthaṃ āha :

Mama lohitaḥhakkhassa
 niccaṃ luddāni kubbato
 dantantaragato santo
 taṃ bahuṃ yaṃ hi jīvasī ti.

Taṃ sutvā sakuṇo itarā dve gāthā abhāsi : . .

Akataññuṃ akattāraṃ
 katassa appatikāraṃ
 yasmiṃ kataññutā natthi,
 niratthā tassa sevanā.

Yassa sammukhacīṇṇena
 mittadhammo na labbhati
 anusuyyaṃ anakkosāṃ
 sanikaṃ tamhā apakkame ti

Evam vatvā so sakuṇo pakkāmi.

KURUṄGAMIGA-JĀTAKA.

Aññe Bārāṇasīyaṃ Brahmadaṭṭe rājjaṃ kārente
 Bodhisatto kuruṅgamiḃa hutvā araññe ekassa sarassa avi-
 dūre ekasmim̃ gumbhe vāsaṃ kappesi. Tasseva sarassa
 avidūre ekasmim̃ rukkhagge satapatto nisīdi, sarasmim̃
 pana kacchapo vāsaṃ kappesi. Evaṃ te tayopi saḥāyā
 aññaṃaññaṃ piyasam̃vāsaṃ vasiṃsu. Atheko migalud-
 dako araññe caranto pāṇiyatitthe Bodhisattassa padava-
 lañjaṃ disvā lohanigaḷasadiṣaṃ vaddhamayaṃ pāsaṃ
 oḍḍetvā agamāsi. Bodhisatto pāṇiyaṃ pātum̃ āgato
 paṭṭhamayaṃe yeva pāse bajjhivā baddharavaṃ ravi.
 Tassa tena saddena rukkhato satapatto udakato ca
 kacchapo āgantvā "kinnu kho kātābbaṃ" ti mantayim̃su.
 Atha satapatto kacchapaṃ āmantetvā "samma, tava
 dantā atthi, tvaṃ imaṃ pāsaṃ chinda, ahaṃ gantvā
 yathā so nāgacchati tathā karissāmi. Evaṃ amhehi
 dvīhi pi kataparakkamena saḥāyo no jīvitaṃ labhissatīti
 imaṃ attham̃ pakāsento pathamaṃ gātham̃ āha.

Iṅgha vaddhamayaṃ pāsaṃ,

chinda dantehi kacchapa.

Ahaṃ tathā karissāmi

yathā nehīti luddakoti.

Kacchapo cammavarattaṃ khāditum̃ ārabhi. Sata-
 patto luddassa vasaṇagāmaṃ gato. Luddo paccūsakāle
 yeva sattim̃ gaḥetvā nikkhami. Sakuṇo tassa nikkha-
 manabhāvaṃ ñitvā vassitvā pakkhe pappoṭhetvā taṃ
 puredvārena nikkhamantaṃ mukhe pahari.

Luddo 'kālakaṇṇisaṅkheṇa amhi paḥaṭṭoti' nivattitvā thokaṃ sayitvā puna sattim gahetvā utthāsi.

Saṅkhe 'ayaṃ paṭhamam puredvārena nikkhanto,' idāni pacchimagehe nisīdi.

Luddo pi 'puredvārena nikkhamantena kālakaṇṇisaṅkhe dittho, idāni pacchimadvārena nikkhamissāmī' ti-pacchimadvārena nikkhami. Saṅkhe puna vassitvā gantvā mukhe pahari.

Luddo puna pi kālakaṇṇisaṅkheṇa paḥaṭṭo 'na me esa nikkhamitum detī' ti nivattitvā yāva aruṇuggamaṇā sayitvā aruṇavelāya sattim gahetvā nikkhami. Saṅkhe vegena gantvā 'luddo āgacchatī' ti Bodhisattassa kathesi.

Tasmim khaṇe kacchapena ekameva vaddhaṃ tṭhapetvā sesavarattā khāditaṃ honti, dantā panassa patanā-kārappattā jātā, mukhaṃ lohitaṃ makkhitaṃ.

Bodhisatto luddaputtaṃ sattim gahetvā asanivegena āgacchantam disvā vaddhaṃ chinditvā vanaṃ pāvisi. Saṅkhe rukkhage nisīdi. Kacchapo pana dubbalattā tattheva nipajji. Luddo kacchapaṃ pasibbake pakkhipitvā ekasmim khānukhe laggesi.

Bodhisatto nivattitvā olokeno kacchapassa gahita-bhāvaṃ ñatvā 'sahāyassa jīvitadānaṃ dassāmī' ti dubbalo viya hutvā luddassa attānaṃ dassesi. So 'dubbalo esa bhavissati, māressāmī nan' ti sattim ādāya anubandhi.

Bodhisatto nātidūre nāccāsanne gacchanto taṃ ādāya araṇṇaṃ pāvisi, dūraṃ gatabhāvaṃ ñatvā padaṃ vañcetvā aṇṇena maggena vātavegena gantvā siṅgena pasibbakaṃ ukkhipitvā bhūmīyaṃ pādetvā phāletvā kacchapaṃ nīhari. Satapatto pi rukkhā otari.

Bodhisatto dviṇṇam pi ovādam dadamāno 'ahaṃ
 tumhe nissāya jīvitaṃ labhiṃ, tumhehi pi sahāyassa
 kattabbaṃ mayhaṃ kataṃ, idāni luddo āgantvā tumhe
 gaṇheyya, tasmā samma satapatta tvaṃ attano puttake
 gaḥetvā aññattha yāhi, tvaṃ hi samma kacchapa udakaṃ
 pavisā ti āha. Te tathā akaṃsu.

Kacchapo pāvisi vāriṃ,
 kuruṅgo pāvisi vanam,
 satapatto dumaggamhā
 dūre putte apānayi ti.

Luddo taṃ ṭhānaṃ āgantvā kañci apassitvā chinna pasib-
 bakaṃ gaḥetvā domanassappato attano gehaṃ agamāsi.
 Te pi tayo sahāyā yāvajīvaṃ vissāsaṃ acchinditvā yathā-
 kammaṃ gatā.

BAVERU JĀTAKA.

Atīte Bārāṇasīyaṃ Brahmadaṭṭe rajjaṃ kārente Bodhisatto morayonīyaṃ nibbatṭitvā vuddhiṃ anvāya sobhaggappatto araṇṇīe vicārī. Tadaṃ ekacce vāṇijā disākākaṃ gahetvā nāvāya Bāveru raṭṭhaṃ agamaṃsu.

Tasmiṃ kira kāle Bāveruraṭṭhe sakunā nāma n'atthi. Āgataḡatā raṭṭhavāsīno taṃ kupagge nisinnaṃ disvā "passath' imassa chavivaṇṇaṃ galapariyosānaṃ mukha-tuṇḍakaṃ maṇigūlasadisāni akkhīnīti" kākaṃ eva pasama-sitvā te vāṇijake āhaṃsu : "Imaṃ ayyo sakunaṃ ambākaṃ detha, ambākaṃ hi iminā attho, tumhe attano raṭṭhe aṇṇaṃ labhissathā" 'ti "Tena hi mūlena gaṇbathā" 'ti. "Kahāpaṇena no dethā" 'ti. 'Na demā" 'ti. Anupubbena vaddhetvā "satena dethā" 'ti vutte "amhākaṃ esa bahūpakāro tumhehi pana saddhiṃ mettī hotū" 'ti kahāpaṇasataṃ gahetvā adaṃsu.

Te taṃ gahetvā suvaṇṇapaṇijare pakkhipitvā nānappa-kārena macchamaṃsena c' eva phalāphalena ca paṭi-jaggiṃsu. Aṇṇesaṃ sakunānaṃ avijjamānaṭṭhāne dasahi asaddhammehi samannāgato kāko labhaggayasaggappatto ahoṣi.

Punavāre te vāṇijā ekaṃ mayūrarājānaṃ gahetvā yathā accharāsaddena vassati pāṇippahārasaddena naccati evaṃ sikkhāpetvā Bāveruraṭṭhaṃ agamaṃsu. So mahā-jane sannipatite nāvāya dhure ṭhatvā pakkhe vidhūnitvā madhurassaraṃ nicchāretvā nacci. Manussā taṃ disvā somanassajātā "Imaṃ ayyo sobhaggappattaṃ susikkhita-sakunaraājānaṃ ambākaṃ dethā" 'ti āhaṃsu.

"Amhehi paṭhamam kāko ānito, taṃ gaṇhittha, idāni
etaṃ morarājānam ānayimba, etaṃ pi yācatha, tumbhākaṃ
raṭṭhe sakunaṃ nāma gaṇetvā āgantuṃ na sakkā" ti.
"Hotu ayyo, attano raṭṭhe aññaṃ labhissatha, imaṃ no
dethā" 'ti mūlaṃ vadḍhetvā sahasseṇa gaṇhiṃsu.

Atha naṃ sattaratānavicitte pañjare tṭhapetvā maccha-
maṃsaphalāphalehi c' eva madhulājasakkharāpāṇakādīhi
ca paṭijaggiṃsu. Mayūrarājā lābhaggayasaggappatto
jāto. Tassāgatakālato paṭṭhāya kākassa lābhasakkāro
parihāyi, koci naṃ oloketuṃ pi na icchi. Kāko khāda-
niyabhojaniyaṃ alabhamāno kākā 'ti vassanto gantvā
ukkārabbhūmiyaṃ otari.

Adassanena morassa sikkhino mañjubhānino
kākaṃ tattha apūjesuṃ maṃsena ca, phalena ca.
Yadā ca sarasampanno moro Bāveruṃ āgamā
atha lābho ca sakkāro vāyasassa ahāyatha.

Yāva n' uppajjati Buddho dhammarājā pabhaṃkaro
Tāva aññe apūjesuṃ puthū samaṇabrāhmaṇe.
Yadā ca sarasampanno Buddho dhammaṃ adesayi
atha lābho ca sakkāro titthiyānaṃ ahāyathā 'ti.

MATAKABHATTA-JĀTAKA.

Atīte Bārāṇasīyaṃ Brahmadaṭṭe rajjaṃ kārente eko-
tiṇṇaṃ vedānaṃ pāragū disāpāmoḁkho ācariyo brāhmaṇo-
“matakabhattaṃ dassāmi” ekaṃ eḷakaṃ gāhāpetvā
āha: “tātā, imaṃ eḷakaṃ nadiṃ netvā nahāpetvā kaṇṭhe
mālaṃ parikkhipitvā pañcaṅgulikaṃ datvā maṇḍetvā
ānethā” ’ti.

Te “sādhū” ’ti paṭisunītvā taṃ ādāya nadiṃ gantvā
nahāpetvā maṇḍetvā nadītīre ṭhapesuṃ. So eḷako
attano pubbakammaṃ disvā “evurūpā nāma dukkhā ajja-
muccissāmi” somanassajāto ghaṭaṃ bbindanto viya-
mahāhasitaṃ hasitvā puna “ayaṃ brāhmaṇo maṃ
ghātetvā mayā laddhaṃ dukkhaṃ labhissatīti” brāhmaṇe-
kāruṇīyaṃ uppādetvā mahantena saddena parodi.

Atha naṃ te māṇavakā pucchimsu: “samma eḷaka-
tvaṃ mahāsaddena hasi c’ eva rodi ca, kena nu kāraṇena
hasi, kena kāraṇena rodīti.” “Tumhe maṃ imaṃ kāra-
ṇaṃ attano ācariyassa santike puccheyyāthā” ’ti. Te
taṃ ādāya gantvā idaṃ kāraṇaṃ ācariyassa ārocesuṃ.
Ācariyo tesāṃ vacanaṃ sutvā eḷakaṃ pucchi: kasmā-
tvaṃ eḷaka hasi, kasmā rodīti.”

Eḷako attanā katakammaṃ jātissaraṇāṇena anussari-
tvā brāhmaṇassa kathesi: “ahaṃ brāhmaṇa pubbe tādiso-
va mantajjhāyakabrāhmaṇo hutvā “matakabhattaṃ
dassāmi” eḷakaṃ māretvā adāsīṃ, sv-āhaṃ ekassa-

‘eḷakassa ghaṭitattā eken’ unesu pañcasu attabhāvasatesu
 sīsacchedaṃ pāpuṇim, ayaṃ me koṭiyaṃ t̥hito pañcasa-
 timo attabhāvo, sv-āhaṃ ‘ajja evarūpā dukkhā muccissā-
 mīti’ somanassajāto iminā kāraṇeṇa haṣim, rodanto
 pana ‘aham tava ekaṃ eḷakaṃ māretvā pañcajātisatāni
 sīsacchedadukkhaṃ patvā ajja tasmā dukkhā muccissāmi,
 ayaṃ pana brāhmaṇo maṃ māretvā ahaṃ viya panca-
 jātisatāni sīsacchedadukkhaṃ labhissatīti” tayi kāruṇṇeṇa
 rodin” ti.

“Eḷaka, mā bhāyi, nāhan taṃ māressāmīti.” “Brāh-
 maṇa, kiṃ vadesi, tayi mārente pi amārente pi na sakkā
 ajja mayā maraṇā muccitun” ti. “Eḷaka, mā bhāyi, ahan
 te ārakkhaṃ gaheṭvā tayā saddhiṃ yeva vicarissāmīti.
 “Brāhmaṇa, appamattako tava ārakkho, mayā katapāpaṃ
 pana mahantaṃ balavan” ti. Brāhmaṇo eḷakaṃ muñcitvā
 “imaṃ eḷakaṃ kassaci pi māretuṃ na dassāma” ‘ti
 antevāsike ādāya eḷaken’ eva saddhiṃ vicari.

Eḷako vissatṭhamatto va ekaṃ pāsānapitṭham nissāya
 jātagumbe gīvaṃ ukkhipitvā paṇṇāni khādituṃ āraddho.
 Taṃ khaṇaṃ yeva tasmim̐ pāsānapitṭhe asaṇi patitā. Ekā
 pāsāpasakalikā chijjitvā eḷakassa pasāritagīvāya patitvā
 sīsāṃ chindi. Mahājano sannipati.

Tadā Bodhisatto tasmim̐ t̥hāṇe rukkhadevatā hutvā
 nibbatto. So passantass’ eva tassa mahājanassa devatā-
 nubhāvena akāse pallaṃkena nisiditvā ‘ime sattā evaṃ
 pāpassa phalaṃ jānamānā apa-eva nāma pāpātīpātam na
 kareyyun” t̥i madhurena sareṇa dhammaṃ desento, imaṃ
 gāthaṃ āha:

Evāñ ce satta jāneyyūṃ
 'dukkh' āyaṃ jātisambhavo
 na pāṇo pāṇināṃ haññe,
 pāṇaghāti hi socatīti.

Evam Mahāsatto nirayabhayena tajjetvā dhammaṃ
 desesi. Mauussā taṃ dhammadesanaṃ sutvā niraya-
 bhayabhītā pāṇātipātā viramimsu. Bodhisatta pi dham-
 maṃ desetvā mahājanaṃ sile patitṭhāpetvā yathākam-
 maṃ gato. Mahājano pi Bodhisattassa ovāde ṭhatvā
 dānādīni puññāni katvā devanagaraṃ pūresi.

SILANIASAMSA-JĀTAKA.

'Passa saddhāya sīlassā' ti.' Idam Satthā Jetavāne viharanto ekaṃ saddham upāsakaṃ ārabha kathesi. So kira saddho ariyasāvako ekadivasam Jetavanam gacchanto sāyam Acīravatitīram gantvā nāvike nāvaṃ tīre tṭhapetvā dhammasavanatthāya gate titthe nāvaṃ adisvā Buddhārammaṇaṃ pītiṃ gahetvā nadiṃ otari. Pādā udākamhi na osidimṣu. So paṭhavitale gacchanto viya vemajjhaṃ gatakāle vicī passi.

Atha assa Buddhārammanā pīti mandā jātā, pādā osiditum ārabhimṣu. So pana Buddhārammaṇaṃ pītiṃ daḷhaṃ katvā udakapitṭhena eva gantvā Jetavanam pavisitvā Satthāraṃ vanditvā ekamantaṃ nisīdi. Satthā tena saddhiṃ paṭisanthāraṃ katvā 'upāsaka, kacci maggaṇ āgacchanto appakilamathena āgato sīti' pucchitvā 'bhante, Buddhārammaṇaṃ pītiṃ gahetvā udakapitṭhe patitṭhaṃ labhitvā paṭhaviṃ maddanto viya āgato amhīti vutte 'na kho upāsaka tvaṃ eva Buddhagūṇe anussaritvā patitṭhaṃ laddho, pubbe pi upāsakā samudda-majjhe nāvāyā bhinnāya Buddhagūṇe anussarantā patitṭhaṃ labhimṣū' ti vatvā tena yācito atītaṃ āhari :

Atīte Kassapasammāsambuddhakāle sotāpanno ariyasāvako ekena nahāpitakuṭumbikena saddhiṃ nāvaṃ abhirūhi. Tassa nahāpitassa bhariyā "ayya, imassa sukhadukkhāṃ tava bhāro" ti nahāpitaṃ tassa upāsakassa hatthe nikkhipi. Atha sā nāvā sattame divase samudda-

majjhe bhinnā. Te pi dve janā ekasmiṃ phalake nipannā ekam dīpakam pāpunimsu. Tattha so nahāpito sakūṇe māretvā pacitvā khādanto upāsakassāpi deti. Upāsako “alam mayham” ti na khādati.

So cintesi “imasmiṃ thāne amhākam thapetvā tīpi saraṇāni aññā patitṭhā n’ atthīti” so tinnam ratanānam guṇe anussari. Ath’ assa anussarantassa tasmim dīpake nibbatto nāgarājā sarīram mahānāvaṃ katvā māpesi. Samuddadevatā niyyāmakā ahoṣi, Nāvā sattahi ratanehi pūrayittha. Tayo kūpakā indanīlamanimayā ahesum, sovaṇṇamayo laṅkāro, rajatamayāni yottāni, suvaṇṇamayāni padarāni. Samuddadevatā nāvāya thadvā “atthi Jambudīpagāmikā” ti ghoseṣi. Upāsako “mayam gamissāma” ti āha, “Tena hi ehi, nāvaṃ abhirūhā” ti.

So nāvaṃ abhirūhitvā nahāpitam pakkosi. Samuddadevatā “tuyham yeva labhati na etassā” ti āha. “Kimkāraṇā” ti. “Etassa sīlaguṇācāro natthi, tam kāraṇam, aham hi tuyham nāvaṃ āharim na etassā” ti. “Hotu” aham attanā dinnadāne rakkhitasīle bhāvitabhāvanāya etassa pattim dammīti. Nahāpito “anumodāmi sāmīti āha.

Devatā “idāni gaṇhissāmīti: tam pi āropetvā ubho pi jane sammuddā nikkhamitvā nadiyā Bārāṇasim gantvā ānubhāvena dvinnam pi tesam gehe dhanam patitṭhāpetvā “paṇḍitehi eva nāma saddhim sāmsaggo nāma katabbo ti, sace hi imassa nahāpitassa iminā upāsakena saddhim sāmsaggo na bhavissa samuddamajjhe yeva nassissā” ti paṇḍitasāmsaggassā guṇam kathayamānā imā gāthā avoca

Passa saddhāya sīlassa
cāgassa ca ayaṃ phalaṃ,
nāgo nāvāya vaṇṇena
saddhaṃ vahati upāsakaṃ.
Sabbhir eva samāsetha,
sabbhi kubbetha santhavaṃ,
sataṃ hi sannivāsena
sotthiṃ gacchati nahāpito ti.

Evam samuddadevatā ākāse thatvā dhammaṃ desetvā
ovaditvā nāgarājānaṃ gaṇhitvā attano vimānaṃ eva
agamāsi.

Satthā imaṃ dhammaḍḍesaṇaṃ āharitvā saccāni pakā-
setvā jātaṃ samodhānesi: (saccapariyosāne upāsako
sakadāgāmiphale patiṭṭhahi) "tadā sotāpaṇṇo upāsako
parinibbāyi, nāgarājā Sāriputto ahosi, samudda-devatā
aham evā" 'ti.

CAMMASĀTAKA-JĀTAKA.

'Kalyāṇarūpo vatāyan' ti. Idam Satthā Jetavane viharanto cammasātakam nāma paribbājakam ārabha kathesi. Tassa kira cammam eva nivāsanañ ca pārūpanaṇ ca. So ekadivasam paribbājakārāmā nikkhamitvā Sāvatthiyam bhikkhāya caranto eḷakānam yujjhana-tṭhānam sampāpuṇi. Eḷako tam paharitukāmo osakkehi. Paribbājako "esa mayham apacitim dassetīti" na paṭikkami. Eḷako vegenāgantvā tam ūrumhi paharitvā pātesi.

Tassa tam asantapaggahakāraṇam bhikkhusaṅghe pākataṇ ahoṣi. Bhikkhū dhammasabhāyam kathaṇ samutthāpesuṇ : „āvuso, cammasātika-paribbājako asantapaggahaṇ katvā vināsaṇ patto „ti, Satthā āgantvā „kāya nu „ttha bhikkhave etarahi kathāya sannisinṇā" ti pucchitvā „imāya nāma "ti vutte „na bhikkhave idān' eva pubbe p' essa asantapaggahaṇ katvā vināsaṇ patto" ti vatvā atītaṇ āhari :

Atīte Bārāṇasīyam Brahmadatte rajjaṇ kārente Bodhisatto ekasmiṇ vāṇijakūle nibbatitvā vāṇijjaṇ karoti. Tadā eko cammasātako paribbājako Bārāṇasīyam bhikkhāya caranto eḷakānam yujjhana-tṭhānam patvā eḷakaṇ osakkantaṇ disvā,, apacitim me karotīti" saññāya apaṭikkamitvā "imesaṇ ettakānaṇ manussaṇaṇ antare ayaṇ eko eḷako amhākaṇ guṇaṇ jānātīti" tassa añjaliṇ paggaṇhitvā tṭhito paṭhamam gātham āha :

Kalyāṇarūpo vat' ayaṃ catuppadō
 Subhaddako c' eva supesalo ca,
 yo brāhmaṇaṃ jātimaṇṭūpapannaṃ
 apacāyati meṇḍavaro yasassīti.

Tasmim̐ khaṇe āpaṇe nisinno paṇḍitavāṇijo taṃ paribba-
 jakaṃ nisedhento dutiyaṃ gāthaṃ āha :

Mā brāhmaṇā ittaradassanena
 viśāsam āpajji cutuppadassa,
 daḥhappahāraṃ abhikaṃkhamāno
 avasakkhatī dassasi suppahāraṇ ti

Tassa pana paṇḍitavāṇijassa kathentass' eva meṇḍako-
 vegenāgantvā ūrumhi paharitvā tatth' eva vedanāmatthaṃ
 katvā pātesi. So paridevamāno nipajji. Satthā taṃ
 kāraṇaṃ pakāsento tatiyaṃ gāthaṃ āha :

Satthi bhaggaṃ, vaṭṭito kbāribhāro,
 sabbam̐ bhaṇḍaṃ brāhmaṇassidha bhinnam̐,
 bāhā paggayha kandati...
 abhidhāvatha, haññate brahmacārīti.

Catuttham̐ gāthaṃ paribbajako āha :

Evam̐ so nihato seti yo apujjaṃ namassati
 yathāham̐ ajja pahato hato meṇḍena dummatīti.

Iti so paridevanto tath' eva jīvitaṃkhaṇaṃ patto ti.
 Sathā imaṃ desanaṃ āharitvā jātaṃ samodhānesi :
 "tadā cammasāṭaka etarahi cammasāṭako va, paṇḍito-
 vāṇijo pana aham̐ eva" 'ti'

SASA-JĀTAKA.

Atite Bārāṇasīyaṃ Brahmadaṭṭe rajjaṃ kārente Bodhisatto sasayoniyaṃ nibbatitvā araññe vasati. Tassa pana araññassa ekato pabbatapādo ekato nadī ekato paccantagāmakko. Apare pi 'ssa tayo saḥāyā ahesuṃ : makkato sigālo uddo ti. Te cattāro pi paṇḍitā ekato vasantā attano gocaraṭṭhāne gocaraṃ gahetvā sāyaṇha-samaye ekato sannipatanti.

Sasapaṇḍito "dānaṃ dātabbaṃ, sīlaṃ rakkhitaṃ, uposathakammaṃ kātappaṇaṃ" ti tiṇṇaṃ janānaṃ ovāda-vasena dhammaṃ deseti. Te tassa ovādaṃ sampaṭicchitvā attano attano nivāsagumbaṃ pavasitvā vasantī. Evaṃ kāle gacchante ekadivasaṃ Bodhisatto ākāsaṃ oloketvā candaṃ disvā "sve uposathadivaso" ti ñatvā itare tayo āha : "sve uposatho, tumhe tayo pi janā sīlaṃ samādiyitvā uposathikā hotha, sīle patitṭhāya dinnadānaṃ mahapphalaṃ hoti, tasmā yācaka sampatte tumhehi khāditabbāhārato datvā khādeyyātha" 'ti.

Te "sādhū" 'ti sampāṭicchitvā attano vasaṇaṭṭhānesu vasitvā puna divase tesu uddo pāto va "gocaraṃ pariyesissāmi" nikkhamitvā Gaṅgātīraṃ gato. Ath' eko bālāsiko satta rohitamacche uddharitvā valliyaṃ āvūṇitvā netvā Gaṅgātīre vālikāya paṭicchādetvā macche gaṇhanto adho Gaṅgaṃ bhassi. Uddo macchagandhaṃ gḥayitvā vālikaṃ viyūhitvā macche disvā nīharitvā "atthi nu kho imesaṃ sāmiko" ti tikkhattum ghesetvā sāmikāni appassanto valliyaṃ ḍasitvā attano vasaṇagumbaṃ ṭhapetvā "velāyaṃ eva khādissāmi" attano sīlaṃ āvajjanto nipajji.

Sigālo pi nikkhamitvā gocaraṃ pariyesanto ekassa khettagopakassa kuṭiyaṃ dve maṃsasūlāni ekaṃ godhaṃ ekaṃ ca dadbhivārakaṃ disvā “atthi nu kho etassa sāmiko ti tikkhattuṃ ghosetvā sāmikaṃ adisvā dadbhivārakassa uggahaṇarajjukaṃ gīvāya pavesetvā maṃsasūle ca godhaṃ ca mukhena ḍasitvā netvā attano sayanagumbe ṭhapetvā ‘velāyam eva khādissāmīti’ attano sīlaṃ āvajjanto nipajji.

Makkato pi vanasaṇḍaṃ pavisitvā ambapiṇḍiṃ āharitvā vasaṇagumbe ṭhapetvā “velāyam eva khādissāmīti” attano sīlaṃ āvajjanto nipajji.

Bodhisatto pana “velāyaṃ eva nikkhamitvā dabbatiṇāni khādissāmīti” attano gumbe yeva nipanno cintesi: “mama santikaṃ āgatānaṃ yācakānaṃ tiṇāni dātum na sakkā, tilataṇḍulādayo pi mayaṃ n’ atthi, sace me santikaṃ yācake āgacchissati attano sarīramaṃsaṃ dassāmīti.”

Tassa sīlatejena Sakkassa paṇḍukambalasilāsaṇaṃ uphakāraṃ dassesi. So āvajjamāno imaṃ kāraṇaṃ disvā ‘sasarājaṃ vīmaṃsissāmīti’ paṭhamāṃ uddassa vasaṇaṭṭhānaṃ gantvā brāhmaṇavesena atṭhāsi, brāhmaṇa, kimatthaṃ ṭhito sīti” ca vutte “paṇḍita, sace kiñci āhāraṃ labheyyaṃ uposathiko hutvā samanadhammaṃ kareyyaṃ” ti.

So “sādhu dassāmi ti āhāraṃ” ti tena saddhiṃ sallaṇṇapanto paṭhamāṃ gāthāṃ āha :

Satta me rohitā macchā
udakā thalaṃ ubbhata,
idaṃ brāhmaṇa me atthi,
etaṃ bhutvā vane vasa’ti.

Brāhmaṇo "pāto va tāva hotu, pacchā jānissāmīti" sigā-
lassa santikaṃ gato, tenāpi "kimattham t̥hito sīti" vutte
tath' evāha.

Sigālo "sādhu dassāmīti tena saddhiṃ sallapanto
dutiyaṃ gātham āha :

Dussam me khettapālassa
rattibhattaṃ apābhataṃ,
maṃsasūlā ca dve godhā
ekaṇ ca dadhivārakaṃ,
idaṃ brāhmaṇa me atthi,
etaṃ bhutvā vane vasā 'tī.

Brāhmaṇo "pāto va tāva hotu, pacchā jānissāmīti"
makkaṭassa santikaṃ gato, tenāpi "kimattham t̥hito
sī'ti vutte tath' evāha.

Makkaṭo "sādhu dammīti" tena saddhiṃ sallapanto
tatiyaṃ gātham āha :

Ambapakk' odakaṃ sītaṃ
sītacchāyaṃ manoramaṃ,
idaṃ brāhmaṇa me atthi,
etaṃ bhutvā vane vasā 'tī.

Brāhmaṇo "pāto va tāva hotu, pacchā jānissāmīti"
sasapaṇḍitaṃ santikaṃ gato, tenāpi "kimattham t̥hito
sīti vutte tath' evāha.

Taṃ sutvā Bodhisatto somanassappatto "brāhmaṇa,
sutthū te kataṃ āhāratthāya mama santikaṃ āgacchan-
tena, ajjāhaṃ mayā adinnapubbaṃ dānaṃ dassāmi, tvaṃ
pana sīlavā paṇātipātaṃ na karissasi, gaccha tāta dārūni
saṃkaddhitvā āngare katvā mayhaṃ ārocehi, ahaṃ attā-
naṃ pariccajitva āṅgaragabbhe patissāmi, mama sarīre

pakke tvaṃ maṃsaṃ khāditvā samaṇadhammaṃ kareyyā-
sīti" tena saddhiṃ sallapanto catutthaṃ gāthaṃ āha :

Na sasassa tilā atthi
na muggā nāpi taṇḍulā,
iminā agginā pakkaṃ
mamaṃ bhutvā vane vasā 'ti.

Sakko tassa kathaṃ sutvā attano ānubhāvena ekaṃ
aṅgararāsiṃ māpetvā Bodhisattassa ārocesi. So dabbā-
tiṇasayanato utthāya tattha gantvā "sace me lomantaresu
pāṇakā atthi te mā marimsu" 'ti vatvā tikkhattuṃ
sarīraṃ vidhūnitvā sakasarīraṃ dānamukhe datvā lam-
ghitvā padumapuñje rājahaṃso viya pamuditacitto
aṅgararāsiṃhi pati.

So pana aggi Bodhisattassa sarīre lomakūpamattam
pi uṇhaṃ kātuṃ nāsakkihi, himagabbhaṃ pavitṭho viya
ahosi. Atha Sakkaṃ āmantetvā "brāhmaṇa, tayā kato
aggi atisītalo, mama sarīre lomakūpamattam pi uṇhaṃ
kātuṃ na sakkoti, kiṃ nāṃ' etan" ti āha.

"Paṇḍita, nāhaṃ brāhmaṇo, Sakko aham asmi, tava
vīmaṃsanatthāya āgato" ti. "Sakka, tvaṃ tava tiṭṭha,
sakala pi ce lokasannivāso maṃ dānena vimaṃseyya n'eva
me adātukāmatam passeyya" 'ti Bodhisatto sīhanādam
nadi.

Atha naṃ Sakko "sasapaṇḍita, tava guṇo sakala-
kappaṃ pākato hotu" 'ti pabbataṃ pīetvā pabbatarasaṃ
ādāya candamaṇḍale sasalakkaṇaṃ alikhitvā Bodhi-
sattaṃ āmantetvā tasmīṃ vanasaṇḍe tasmīṃ yeva vana-
gumbe taruṇadabbatīnapitṭhe nipajjāpetvā attano de-
vatṭhaṇam eva gato. Te pi cattāro paṇḍitā sammoda-
mānā sīlaṃ pūretvā uposathakammaṃ katvā yathākam-
maṃ gata.

NIGRODHAMIGA-JĀTAKA.

Atīte Bārāṇasiyaṃ Brahmadaṭṭe rajjaṃ kārāya māne Bodhisatto migayoniyaṃ paṭisandhiṃ gaṇhi. So mātukucchito nikkhanto suvaṇṇavaṇṇo ahosi, akhīni c' assa maṇigūlasadisāni ahesuṃ, siṅgāni rajatavaṇṇāni, mukhaṃ rattakambalapuñjāvaṇṇaṃ, hatthapādapariyaṇṭā lākhaṇaparikkammakata viya, vāladhi camarassa viya ahosi, sarīraṃ paṇ' assa mahantaṃ assapotakappamānaṃ ahosi.

So pañcasatamigaparivāro araṇṇi vāsaṃ kappesi nāmena Nigrodhamiga-rājā nāma. Avidūre paṇ' aṇṇo pi pañcasatamigaparivāro Sākhāmigo nāma vasati, so pi suvaṇṇavaṇṇo va ahosi. Tena samayena Bārāṇasirājā migavadhapasuto hoti, vinā maṃsena na bhuñjati, manussānaṃ kamma-cchedaṃ katvā sabbe negama-jāna-pade sannipādetvā devasikaṃ migavaṃ gacchati. Manussa-cintesuṃ: ayaṃ rājā ambhākaṃ kamma-cchedaṃ karoti, yaṃ nūna mayaṃ uyyāne migānaṃ nivāpaṃ vāpitvā paṇiyaṃ sampādetvā bahumige uyyāne pavesetvā dvāraṃ bandhitvā raṇṇo niyyādemā" ti.

Te sabbe uyyāne nivāpaṇaṃ ropetvā udakaṃ sampādetvā dvāraṃ yojāpetvā nāgare ādāya muggarādinānāvudhahatthā araṇṇiṃ pavisitvā mige pariyesamānā 'majjhe tṭhite mige gaṇhissāmā" ti yojanamattaṃ tṭhānaṃ parikkhipitvā saṅkhipamānā Nigrodhamiga-Sākhāmigānaṃ vasaṇaṭṭhānaṃ majjhe katvā parikkhipimsu.

Atha taṃ migagaṇaṃ disvā rukkhagṇumbādayo ca bhūmiṃ ca muggarehi paharantaṃ migagaṇaṃ gahaṇaṭṭhānā.

nato nīharitvā asisattidhanuādīni āvudhāni uggiritvā mahānādaṃ nadantā taṃ migagaṇaṃ uyyāuaṃ pavesetvā dvāraṃ pidhāya rājānaṃ upasaṃkamitvā “Deva, nibaddhaṃ migavaṃ gacchantā amhākaṃ kammaṃ nāsetha, amhehi araṇṇīato mige ānetvā tumbhākaṃ uyyānaṃ pūritam, ito paṭṭhāya tesam māṃsaṃ khādatha” iti rājānaṃ āpucchitvā pakkamimsu.

Rājā tesam vacanaṃ sutvā uyyānaṃ gantvā mige olokento dve suvaṇṇamige disvā tesam abhayaṃ adāsi. Tato paṭṭhāya pana kadāci sāmaṃ gantvā ekamigaṃ vijjhितvā āneti, kadāci tassa bhattakārako gantvā vijjhितvā āharati. Migā dhanuṃ disvā va maraṇabhayena tajjitā palāyanti, dve tayo pahāre labhitvā kilamanti pi gilānāpi honti maraṇaṃ pi pāpuṇanti. Migagaṇo taṃ pavattim Bodhisattassa ārocesi.

So Sākhaṃ pakkosāpetvā āha: “samma, bahū migā nassanti, ekaṃsena maritabbe sati ito paṭṭhāya mā kaṇḍena mige vijjhantu, dhammagandikapaṭṭhāne migānaṃ vāro hotu, ekadivasaṃ mama parisāya vāro pāpuṇātu, ekadivasaṃ tava parisāya vāro pāpuṇātu, vārappatto migo gantvā dhammagandikāya sīsaṃ ṭhapetvā nipajjatu, evaṃ sante migā vaṇitā na bhavissantīti.” So “sādhū” ti sampatiṇchi.

Tato paṭṭhāya vārappatto va migo gantvā dhammagandikāya gīvaṃ ṭhapetvā nipajjati. Bhattakārako āgantvā tattha nipannakam eva gahetvā gacchati. Atha ekadivasaṃ Sākhamigassa parisāya ekissā gabbhinīmigiya vāro pāpuṇi. Sā Sākhaṃ upasaṃkamitvā sāmi, aham pi

gabbhinī, puttakaṃ vijāyitvā dve janā vāraṃ gamissāma, mayhaṃ vāraṃ atikkamehīti” āha. So na sakkā tava vāraṃ aññesaṃ pāpetuṃ, tam eva tuyhaṃ pattaṃ jānissasi, gacchāhīti” āha.

Sā tassa santikā anuggahaṃ alabhamānā Bodhisattaṃ upasaṃkamitvā taṃ atthaṃ ārocesi. So tassā vacanaṃ sutvā ‘hotu, gaccha tvaṃ, ahaṃ te vāraṃ atikkamessāmi” sayaṃ gantvā dhammagandikāya sīsaṃ katvā nipajji. Bhattakāro taṃ disvā “laddhābhayo migarāja gandikāya nipanno, kin nu kāraṇaṃ” ti vegena gantvā rañño ārocesi.

Rāja tāvad eva rathaṃ āruhya mahantena parivārena āgantvā Bodhisattaṃ disvā āha: “samma migarāja, nanu mayā tuyhaṃ abhayaṃ dinnaṃ, kasmā tvaṃ idha nipanno” ti, “Mahārāja, gabbhinī migi āgantvā ‘mama vāraṃ aññassa pāpehīti’ āha, na sakkā kho pana mayā ekassa maraṇadukkhaṃ aññassa upari pakkhipituṃ, sv-āhaṃ attano jīvitaṃ tassā datvā tassā santakaṃ maraṇaṃ gahetvā idha nipanno, mā aññaṃ kiñci āsaṃkittha mahārāja” ti.

Rāja āha: “sāmi suvaṇṇavaṇṇamigarāja, mayā tādiso khantimettānuddayasampanno manussesu pi na diṭṭha-pubbo, tena te pasanno’smi, utṭhehi, tuyhañ ca tassā ca abhayaṃ dammīti.” “Dvīhi abhaye laddhe avasesā kiṃ karissanti narindā ti. Avasesānaṃ pi abhayaṃ dammi sāmīti.” “Mahārāja evaṃ pi uyyāne yeva migā abhayaṃ labhissanti, sesā kiṃ karissantīti. “Etesaṃ pi abhayaṃ dammissāmīti. “Mahārāja, migā tava abhayaṃ labhantu,

sesā catuppadā kiṃ karissantīti. “Etesam pi abhayaṃ dammi sāmīti. “Mahārāja catuppadā tāva abhayaṃ labhantu, dvijagaṇā kiṃ karissantīti. Etesam pi dammi sāmīti. Mahārāja, dvijagaṇā tāva abhayaṃ labhissanti, udake vasantā macchā kiṃ karissantīti. “Etesam pi abhayaṃ dammisāmīti.

Evam Mahāsatto rājānaṃ sabbasattānaṃ abhayaṃ yācivā uttāya rājānaṃ pañcasu sīlesu patitthāpetvā dhammaṃ cara mahārāja, mātāpitūsu puttadhītāsu brāhmaṇagahapatikesu negamajānapadesu dhammaṃ caranto samaṃ caranto kāyassa bhedā sugatīṃ saggaṃ lokaṃ gamissasīti rañño Buddhalīhaya dhammaṃ desetvā katipāhaṃ uyyāne vasitvā rañño ovādaṃ datvā migagaṇa-parivuto araññaṃ pāvīsi.

Sāpi kho migadhenu pupphakannikasaḍisaṃ puttaṃ vijāyi. So kīlamāno Sākhamigassa santikaṃ gacchati. Atha naṃ mātā tassa santikaṃ gacchantam disvā “putta, ito paṭṭhāya mā etassa santikaṃ gaccha. Nigrodhassa eva santikaṃ gaccheyyāsīti” ovadantī imaṃ gāthaṃ āha :

Nigrodham eva seveyya, na Sākhaṃ upasaṃvase,
Nigrodhasmiṃ mataṃ seyyo, yañce Sākhasmiṃ jīvitaṃ ti.

Tato paṭṭhāya ca paṇa abhaya-laddhakā migā manus-sānaṃ sassāni khādanti. Manussā “laddhābhayaṃ ime migā ti paharituṃ vā palāpetuṃ vā na visahanti. Te rājagaṇe sannipatitvā rañño taṃ atthaṃ ārocesuṃ. Rājā “mayā pasannena Nigrodhamigavarassa varo dinno, ahaṃ rajjaṃ jaheyyaṃ na ca taṃ patiññaṃ, gacchatha na koci mama vījite mige paharituṃ labhatīti.”

Nigrodhamigo taṃ pavattiṃ sutvā migagaṇaṃ sannipātāpetvā, "ito paṭṭhāya paresaṃ sassaṃ khādituṃ na labhathā ti mige vāretvā manussānaṃ ārocāpesi: ito paṭṭhāya sassakārakamanussā sassarakkhanatthaṃ vatim mā karontu, khettaṃ pana āvijjhivā paṇṇasaññaṃ bandhantū ti.

Tato paṭṭhāya kira khettesu paṇṇabandhanasaññaṃ udapādi, tato paṭṭhāya paṇṇasaññaṃ atikkamanakamigonāma na atthi, ayaṃ kira nesaṃ Bodhisattato laddha ovādo. Evaṃ migagaṇaṃ ovaditvā Bodhisatto yāvatāyukaṃ tthatvā saddhiṃ migeḥi yathākammaṃ gato. Rājāpi Bodhisattassa ovāde tthatvā puññani katvā yathākammaṃ gato.

VALĀHASSA-JATAKA.

Atīte Tambapaṇḍīpe Sirisavatthu nāma yakkha-nagaram ahosi. Tattha yakkhiniyo vasiṃsu. Tā bhinnanāvānaṃ āgatakāle alaṃkatapatiyattā khādaniyaṃ bhojaniyaṃ gāhāpetvā dāsigaṇaparivutā dārake ankenādāya vāṇije upasaṃkamanti. Tesāṃ “manussavāsaṃ āgato amhā” ‘ti sañjānanattham tattha tattha kasigorakkhādīni karante manusse gogaṇe sunakhe ti evaṃ adīni dassenti, vāṇijānaṃ santikaṃ gantvā “imaṃ yāguṃ pivatha, bhattaṃ bhuñjatha, khādaniyaṃ khādatha” ‘ti vadanti.

Vāṇijā ajānantā tāhi dinnam paribhuñjanti. Atha tesāṃ khāditvā bhuñjitvā vissammitakāle paṭisanthāraṃ karonti. “Tumhe katthavāsikā, kuto āgata, kahaṃ gacchissatha, kena kammena idhāgata” ti pucchanti, “bhinnaṇāvā hutvā idhāgata amhā” ti vutte ca sādhu ayyā, amhakaṃ pi sāmikānaṃ nāvaṃ abhirūhitvā gatānaṃ tīpi saṃvaccharāni atikkantāni te matā bhavissanti, tumhe pi vāṇijā yeva, mayaṃ tumhākaṃ pādaparicārikā bhavissāmā” ‘ti vatvā te vāṇije itthikuṭahāvabhāva-vilāsehi palobhetvā yakkhanagaraṃ netvā sace paṭhamagahitā manussā atthi te devasaṃkhalikāya bandhitvā karanaghare pakkhipanti. Attano vasanaṭṭhāne bhinnanāvamanusse alabhantiyo pana parato Kalyāṇiṃ orato Nāga-dīpan ti evaṃ samuddatīraṃ anuvicaranti, ayaṃ tāsāṃ dhammatā.

Ath' ekadivasam pañcasatā bhinnanāvā vāṇijā tāsam nagarasamipe uttarimsu. Tā tesam santikam gantvā palobhetvā yakkhanagaram ānetvā paṭhamagahitamanusse devasamkhalikāya bandhitvā kāraṇaghare pakkhipitvā jeṭṭhayakkhinī jeṭṭhavāṇijam sesā sese ti tā pañcasatā yakkhiniyo te pañcasate vāṇije attano sāmike akaṃsu. Atha sā jeṭṭhayakkhinī rattibhāge vāṇije niddam gate utthāya gantvā kāraṇaghare manusse māretvā maṃsam khāditvā āgacchati. Sesāpi tatth' eva karonti.

Jeṭṭhayakkiniyā manussamaṃsam khāditvā āgatakāle sarīram sītalam hoti. Jeṭṭhavāṇijo parigaṇhanto tassā yakkhinibhāvaṃ fiatvā 'imā pañcasatāpi yakkhiniyo bhavissanti, amhehi palāyitum vaṭṭatīti' punadivase pāto va mukhadhovanatthāya gantvā sesavāṇijānam ārocesi: 'imā yakkhiniyo na mānusiyo, aññesam bhinnāvānam āgatakāle te sāmike katvā amhe khādissanti, ettha amhe palāyāmā "ti tesu aḍḍhateyyasatā "mayam etā vijahitum na sakkhissāma, tumhe gacchatha, mayam na palāyissāma 'ti āhaṃsu. Jeṭṭhavāṇijo attano vacanakare aḍḍhateyyasate gahetvā tāsam bhīto palāyi.

Tasmim pana kāle Bodhisatto valāhassayoniyam nibbatti, sabbaseto kākaśīso muñjakeso iddhimā vebāsam gamo ahosi. So Himavantato ākāse uppatitvā Tambapaṇṇidipam gantvā tattha Tambapaṇṇisare pallale sayam jātasālim khāditvā gacchati, evam gacchanto va "janapadam gantukāmā atthi, janapadam gantukāmā atthīti tikhhattum karuṇāya paribhāvitam mānusiyaṃ bhāsati. Te tassa vacanam sutvā upasamkamitvā añjalim pag-

gayha 'sāmi, mayam janapadam gamissāmā "ti āhaṃsu.
 "Tena hi mayham piṭṭhim abhirūhathā" ti.

Ath' ekacce abhirūhimsu, ekacce vāladhim gaṇhimsu
 ekacce anjalim paggahevā atṭhaṃsu yeva. Bodhisatto
 antamaso anjalim paggahevā ṭhite sabbe pi te aḍḍhatey-
 yasate vāṇije attano ānubhāvena janapadam netvā saka-
 sakaṭṭhānesu patitṭhāpetvā attano vasaṇatṭhānam agamāsi.
 Tāpi kho yakkhiniyo aññesaṃ āgatakāle te tattha ohīnake
 aḍḍhateyyasate manusse vadhitvā khādimsu.

CATUDVĀRA-JĀTAKA.

Atite Kassapa-dasabalassa kāle Bārāṇasīyaṃ asīti-
koṭivibhavassa seṭṭhino putto Mittavindako nāma ahoṣi.
Tassa mātāpitāro sotāpannā ahesuṃ so pana dussilo
assaddho.

Atha naṃ aparabhāge pitari kālakate mātā kuṭum-
baṃ vicārentī āha : tāta, tayā dullabhamanussattaṃ
laddhaṃ, dānaṃ dehi sīlaṃ rakkha, uposathakammaṃ
kara, dhammaṃ suṇāhīti. "Amma, na mayhaṃ dāna-
dīhi attho, mā maṃ kiñci avaca, ahaṃ yathākammaṃ
gaṃissāmīti evaṃ vadantaṃ pi taṃ ekadivasaṃ puṇṇa-
muposathadivase mātā āha : 'tāta ajja abhilakkhito
mahāuposathadivaso, ajja uposathaṃ samādiyitvā vihā-
raṃ gantvā sabbarattīṃ dhammaṃ sutvā ehi, ahaṃ te
sahassaṃ dassāmīti.

So 'sādhū' ti dhanalobhena uposathaṃ samādiyitvā
bhuttapātaraso vihāraṃ gantvā divasaṃ vitināmetvā
rattīṃ yathā ekaṃ pi dhammapadaṃ kaṇṇaṃ na paharati
tathā ekasmiṃ padese nipajjitvā niddaṃ okkamitvā puna-
divase pāto va mukhaṃ dhovitvā gehaṃ gantvā nisīdi.
Mātā pana assa "ajja me putto dhammaṃ sutvā pāto va
dhammakathikatheraṃ ādāya āgaṃissatīti yāguṃ khā-
daniyaṃ bhojaniyaṃ patiyādetvā āsanaṃ paññāpetvā
tassāgamaṇaṃ patimānenti, taṃ ekekaṃ āgataṃ disvā 'tāta
dhammakathiko kena nānīto ti vatvā "na mayhaṃ dhamma-
kathikena attho ti vutte "tena hi yāguṃ pivā" ti āha.

So "tumhehi mayhaṃ sahassaṃ paṭissutaṃ, taṃ
tāva me detha, pacchā pivissāmīti āha. "Piva tāta

pacchā gaṇhissasīti". Gahetvā va pivissāmīti". Atha assa mātā saḥassabhaṇḍikaṃ purato ṭhapesi. So yāgum pivitvā saḥassabhaṇḍikaṃ gahetvā vohāraṃ karonto nacirass' eva visam sataṣaḥassam uppādesi. Ath' assa etad ahosi: 'nāvaṃ uttāpetvā vohāraṃ karissāmīti". So nāvaṃ uttāpetvā "amma, ahaṃ nāvāya vohāraṃ karissāmīti' āha.

Atha naṃ mātā 'tvaṃ tāta ekaputtako, imasmiṃ ghare dhanam pi bahum, samuddo anekādīnava na gamīti' vāresi. So 'ahaṃ gamissām' eva, na sakkaṃ maṃ vāretun" ti vatvā ahaṃ tāta vāressāmīti" mātaraṃ hatthe gaḥito hatthaṃ vissajjāpetvā mātaraṃ paharitvā pātetvā antaraṃ katvā gantvā nāvāya samuddaṃ pakkhandi. Nāvā sattame divase Mittaviṇḍakaṃ nissāya samuddapitṭhe niccalā atṭhāsi.

Kālakappaṇṣalākā vāriyamānā Mittavindakassa, eva hatthe tikkhattum pati. Ath' assa ulumpaṃ datvā "imaṃ ekaṃ nissāya bahū mā vinassantū" 'ti taṃ samudde khipiṃsu, tāvad eva nāvā javena samuddaṃ pakkhandi. So pi ulumpe nipajjitvā ekaṃ dīpaṃ pāpuṇi.

Tattha phaṭṭikavimāne catasso petiyo addasa. Tā sattāhaṃ dukkhaṃ anubhavanti, sattāhaṃ sukhaṃ: So tāhi saddhiṃ sattāhaṃ dibbasampattim anubhavi. Atha naṃ tā dukkhānubhavanatthāya gacchamānā "sāmi, mayaṃ stttame divase āgamissāma, yāva mayaṃ āgacchāma tāva anukkaṇṭhamāno idh'eva vasā 'iti vatvā agāṃsu. So taṇhāvasiko hutvā tasmīṃ yeva phalake nipajjitvā puna samuddapitṭhena gacchanto aparaṃ pi

dīpam patvā tattha rajatavimāne aṭṭha petiyo disvā etena eva upāyena aparasmim dīpake maṇivimāne soḷasa aparasmim kanakavimāne dvattimsa petiyo disvā tāhi saddhim dibbasampattiṃ anubhavitvā tāsam pi dukkhaṃ anubhavitum gatakāle puna samuddapitṭhena gacchanto ekaṃ pākāraparikkhitaṃ catudvāraṃ nagaraṃ addasa, ussadanirayo kira so bahunnaṃ nerayikasattānaṃ kammkaraṇānubhavanatṭhānaṃ. Mittavindakassa pana alaṃkatapaṭiyattaṃ nagaraṃ viya hutvā upatṭhāsi. So “imaṃ nagaraṃ pavisitvā rājā bhavissāmīti” cintetvā pavisitvā khuracakkaṃ ukkhipitvā paccamānaṃ nerayikasattaṃ addasa, ath’ aesa taṃ tassa sīse khuracakkaṃ padumaṃ hutvā upatṭhāsi, ure pañcangikabandhanaṃ uracchadapaśādhanaṃ hutvā sarīrato galantaṃ lohitaṃ lohitanadanavilepanaṃ hutvā paridevanasaddo madhuragītasaddo hutvā upatṭhāsi.

So tassa santikaṃ gantvā „bho purisa, ciraṃ tayā padumaṃ dhāritaṃ, dehi me etan” ti āha. “Samma na-y-idam padumaṃ, khuracakkaṃ etan” ti. “Tvam mayhaṃ adātukāmatāya evaṃ vadasīti”.

Nerayikasatto cintesi: “mayhaṃ kamamaṃ khīṇaṃ bhavissati, imināpi mayā viya mātaraṃ paharitvā āgatena bhavitabbaṃ, dassāmi ‘ssa khuracakkaṃ” ti. Atha naṃ “ehi bho, gaṇha imaṃ padumaṃ” ti vatvā khuracakkaṃ tassa sīse khipi, taṃ tassa matthakaṃ piṃsamānaṃ bhassi. Tasmim khaṇe Mittavindako tassa khuracakkabhāvaṃ fiatvā “tava khuracakkaṃ gaṇhā” ti vedanāmatto paridevi. Itaro antaradhāyi.

SUPPARAKA-JATAKA.

Atīte Bharuraṭṭhe Bharurajā nāma rajjam kāresi. Bharukacchaṃ nāma paṭṭanagāmo ahosi. Tada Bodhisatto Bharukacche niyyāmakajetṭhassa putto hutvā nibbatti, pāsādiko suvaṇṇavaṇṇo. Supparakakumāro ti'ssa nāmaṃ karimsu.

So mahantena parivārena vadḍhanto soḷasavassakāle yeva niyyāmakasippe nipphattiṃ patvā aparabhāge pitu accayena niyyāmakajetṭhako hutvā niyyāmakakammaṃ akāsi, paṇḍito nīlasampanno ahosi, tena ārūhanāvāya vyāpatti nāma n' atthi. Tassa aparabhāge loṇajalapahatāni dve pi cakkhūni nassimsu.

So tato paṭṭhāya niyyāmakajetṭhako hutvā pi niyyāmakakammaṃ akatvā "rājānaṃ nissāya jīvissāmī" ti rājānaṃ upasāmkami. Atha naṃ rājā agghāpaniyakamme ṭhapesi. Tato paṭṭhāya rañño hatthiratanam assaratanaṃ muttasāra-maṇisārādīni agghāpeti.

Ath' ekadivasam "rañño mangalahatthī bhavissatīti" kālapāsāṇakūṭavaṇṇam ekaṃ vāraṇam ānesum. Taṃ disvā rājā "paṇḍitassa dassethā" ti āha. Atha naṃ tassa santikaṃ nayimsu. So hatthena tassa sariraṃ parimadditvā" nāyaṃ mangalahatthī bhavitum anucchaviko, pacchāvāmanakadhātuko esa, etaṃ hi mātā vijāyamānā amsena paṭicchitum nāsakkhi, tasmā bhūmīyaṃ patitvā pacchīmapādehi vāmanakadhātuko

jāto" ti āha, Hatthim gahetvā āgate pucchimsu : Te "saccam paṇḍito kathetīti" vadimsu. Tam kāraṇam rājā sutvā tuṭṭho tassa aṭṭha kahāpaṇe dāpesi.

Pun' ekadivasam "rañño maṅgalasso bhavissatīti" ekaṃ assam ānayimsu. Tam pi rājā paṇḍitassa santikaṃ pesesi. So hatthena parāmasitvā "ayaṃ maṅgalassa bhavitum na yutto, etassa hi jātadivase yeva mātā mari, tasmā mātu khīram alabhanto na sammā vaddhito" ti āha. Sāpi 'ssa kathā saccā va ahosi. Tam pi sutvā rājā tussitvā aṭṭh' eva kahāpaṇe dāpesi.

Ath' ekadivasam "maṅgalaratho bhavissatīti" ratham āharimsu, tam pi rājā tassa santikaṃ pesesi. So tam hatthena parāmasitvā "ayaṃ ratho susirarukkheṇa kato, tasmā rañño nanucchaviko" ti āha. Sāpi 'ssa kathā saccā va ahosi. Rājā tam pi sutvā aṭṭh' eva kahāpaṇe dāpesi.

Ath' assa kambalaratanam mahaggham ānayimsu. Tam pi tass' eva pesesi. So hatthena parāmasitvā "imassa musikacchinnaṃ ekaṃ ṭhānaṃ atthīti" āha. Sodhentā tam disvā rañño ārocesum. Rājā tussitvā aṭṭha eva kahāpaṇe dāpesi. So cintesi : "ayaṃ rājā evarupāni pi acchariyāni disvā aṭṭh, eva kahāpaṇe dāpesi, imassa dāyo nahāpitadāyo, nahāpitassa jātako bhavissati kim me evarūpena rājupatṭhānena, attano vasanatṭhānam eva gamissāmīti" so Bharukacchapatṭhanam eva paccāgami.

Tasmim tattha vasante vāṇijā nāvaṃ sajjetvā, kam niyyāmakam karissāmā" ti mantetvā" Suppāraka-

paṇḍitena ārūḷhanāvā na vyāpajjati, esa paṇḍito upāyakusalo, andho samāno pi Suppāraka-paṇḍito va uttamo' ti taṃ upasamkamitvā "niyyāmkko no hobhīti" vatvā "tāta, ahaṃ andho, kathaṃ niyyāmakakammaṃ karissāmīti" vutte "sāmi, andhāpi tumhe eva ambhakaṃ uttamo" ti punappuna yāciyamāno "sādhū tāta, tumhehi ārocitasaññāya niyyāmakko bhavissāmīti" tesam nāvaṃ abhirūhi.

Te nāvāya mahāsamuddaṃ pakkhandimsu. Nāvā satta divasāni nirupaddavā agamāsi, tato akālavātaṃ uppajji, nāvā cattāro māse pakatisamuddapiṭṭhe vicaritvā Khuramālasamuddaṃ nāma pattā, tattha macchā manussasamānasarīrā khuraṇāsā uduke ummujjanimujjaṃ karonti. Vāṇijā te disvā Mahāsattaṃ taṃ āhaṃsu :

Ummujjanti nimujjanti manussā khuraṇāsikā.

Suppāraka taṃ pucchāma, samuddo katamo ayaṃ ti.

Evam tehi puṭṭho Mahāsatto niyyāmakasuttena saṃsandetvā dutiyaṃ gātham āha :

Bharukacchā payātānaṃ vāṇijānaṃ dhanesinaṃ

nāvāya vippanaṭṭhāya Khuramālīti vuccatīti.

Tasmim pana samudde vajiraṃ uppajjati. Mahāsatto "sa" aham 'ayaṃ vajirasamuddo' ti evaṃ kathessāmi lobhena bahuṃ vajiraṃ gaṇhitvā nāvaṃ osīdāpessanti "ti tesam anācikkhitvā nāvaṃ laggāpetvā upāyen' ekaṃ yottaṃ gaṇetvā macchagahaṇaniyamena: jālaṃ khipā.

petvā vajirasāraṃ uddharitvā nāvāya pakkhipitvā aññaṃ
 appagghabhaṇḍaṃ chaddāpesi. Nāvā taṃ samuddaṃ
 atikkamitvā parato Aggimālaṃ nāma gato. So pajjalita-
 aggikkhandho viya majjhantikasuriyo viya ca obhāsaṃ
 muñcanto atthāsi. Vāṇijā:—

Yathā aggiva suriyo va samuddo patidissati,

Suppāraka taṃ pucchāma, samuddo katamo ayaṃ ti.
 gāthāya taṃ pucchimsu. Mahāsatto pi tesāṃ ananta-
 ragāthāya katthesi :

Bharukacchā 'payātānaṃ—pe—Aggimālīti vuccati.
 Tasmim̐ pana samudde suvaṇṇaṃ ussannaṃ ahoṣi.
 Mahāsatto purimanayena' eva tato pi suvaṇṇaṃ gāhā-
 petvā nāvāya pakkhipi. Nāvā taṃ pi samuddaṃ
 atikkamitvā khīraṃ viya dadhim̐ viya ca obhāsantaṃ
 Dadhimālaṃ nāma samuddaṃ pāpuṇi. Vāṇijā.

Yathā dadhim̐ va khīraṃ va samuddo patidissati
 —pe—gāthāya tassa nāmaṃ pucchimsu. Mahāsatto
 anantaragāthāya ācikkhi.

Bharukacchā payātānaṃ—pe—Dadhimālīti vuccatīti.
 Tasmim̐ pana samudde rajataṃ ussannaṃ. So taṃ pi
 upāyena gāhāpetvā nāvāya pakkhipāpesi. Nāvā taṃ pi
 samuddaṃ atikkamitvā nilakusatiṇaṃ viya sampanna-
 sassaṃ iva ca obhāsamaṇaṃ nilavannaṃ Kusamālaṃ
 nāma samuddaṃ pāpuṇi. Vāṇijā.

Yathā kuso va sasso va samuddo patidissati—pe—
 gāthāya tassa pi nāmaṃ pucchimsu. So anantaragā-
 thāya ācikkhi :

Bharukacchā payātānaṃ—pe—Kusamālīti vuccatīti
Tasmim̐ pana samudde nīlamaniratanam ahosi. So
tam pi upāyena gāhāpetvā pakkhipāpesi. Nāvā
tam pi samuddaṃ atikkamitvā nalavanaṃ viya ca
veḷuvanaṃ viya ca khāyamānaṃ Nalamālaṃ nāma
samuddaṃ pāpuṇi. Vāṇijā:—

Yathā nalo va veḷuṃ va samuddo patidissati—pe—
gāthāya tassa pi nāmaṃ pucchimsu. Mahāsatto ananta-
ragāthāya kathesi :

Bharukacchā payātānaṃ—pe—Nalamālīti vuccatīti.
Tasmim̐ pana samudde vaṃsarāgaveḷuriyaṃ ussannaṃ.
So tam pi gāhāpetvā nāvāya pakkhipāpesi. Vāṇijā
Vāḷabhamukhasamuddaṃ nāma passimsu, tattha udakaṃ
kaḍḍhitvā kaḍḍhitvā sabbatobhāgena uggacchati, tasmim̐
sabbatobhāgena uggatodakaṃ sabbatobhāgena chinna-
tāṭamahāsobho viya paññāyati, ūmmiyā uggatāya ekato
papātasadisāṃ hoti, bhayaajanano saddo uppajjati sotaṃ
bhindanto viya hadayaṃ phalento viya, taṃ disvā
vāṇijā bhītatasitā.

Mahābhayo bhimśanako samuddo suyvat' amānuso,
yathā sobbho papāto samuddo patidissati—pe—
gāthāya tassa nāmaṃ pucchimsu.

Bharukacchā payātānaṃ—pe—Vāḷabhāmukhīti vucca-
tīti.

Bodhisatto anantaragāthāya tassa nāmaṃ ācikkhitvā
“tata, imaṃ Vāḷabhamukhaṃ samuddaṃ pattā nivatti-
tuṃ samatthā nāvā nāma n' atthi, ayaṃ samptta-

nāvaṃ nimujjāpetvā vināsaṃ pāpetīti" āha. Tañ ca nāvaṃ satta manussasatāni abhirūhimsu, te sabbe maraṇabhayaabhītā ekappahārena eva Avicimhi paccamānā sattāviya atikaruṇasaraṃ muñcimsu. Mahāsatto 'tha-
petvā maṃ añño etesaṃ sotthibhāvaṃ katuṃ samattho nāma n' atthi, saccakiriyaṃ tesāṃ sotthiṃ karissāmiti cintetvā te āmantetvā "tāta, maṃ khippaṃ gandho-
dakena nahāpetvā ahatavatthāni nivāsāpetvā puṇṇapātiṃ sajjetvā nāvāya dhure t̥hapethā" ti. Te vegena tathā karimsu. Mahāsatto ubhohi hatthehi puṇṇapātiṃ gahet-
vā nāvāya dhure t̥hito saccakiriyaṃ karonto osānagā-
thaṃ āha.

Yato sarāmi attānaṃ yato patto'smi viññutam
nābhijānāmi saṃcicca ekapānaṃ pi himsitam
etena saccavajjena sotthiṃ nāvā nivattatū 'ti.

Cattāro māse videsaṃ pakkhantā nāvā nivattitvā
iddhimā viya iddhānubhāvena ekadivaseṇ' eva Bharu-
kacchapattānaṃ agamāsi, gantvā ca pana thale pi
at̥thūsabhamattaṃ t̥hānaṃ pakkhanditvā nāvikaṣṣa gha-
radvāre at̥thāsi. Mahāsatto tesāṃ vāṇijānaṃ suvaṇṇa-
rajatamaṇippavālavajirāni bhājetvā adasi, "ettakehi vo
ratanehi alaṃ, mā puna samuddaṃ pavisitthā" ti ca
tesāṃ ovādaṃ datvā yāvajīvaṃ dānādīni puññāni katvā
devapuraṃ pūresi.

UCCHANGA-JĀTAKA.

"Ucchāṅge deva me putto" ti. Idam Satthā Jetavane viharanto aññataram jānapaditthim ārabha kthesi. Ekasmim hi samaye Kosalaratṭhe tayo janā aññatarasmim aṭavimukhe kasanti. Tasmim samaye anto aṭaviyaṃ corā manusse vilumpitvā palāyimsu. Te core pariyesitvā apassantā taṃ tṭhānaṃ āgantvā "tumhe aṭaviyaṃ vilumpitvā idāni kassakā viya bothā" ,ti te "corā ime" ti bandhitvā ānetvā Kosalarañño adamsu.

Ath' ekā itthī āgantvā "acchādanam me detha, acchādanam me dethā" 'ti paridevantī punappuna rājanivesanaṃ pariyāti. Rājā tassā saddaṃ sutvā' dehi imissā acchādanam" ti āha. Sāṭakam gahetvā agamamsu. So taṃ disvā "nāhaṃ etaṃ acchādanam yācāmi" āha. Manussā gantvā rañño nivedayimsu : "na kir' esā imaṃ acchādanam katheti, sāmikacchādanam kathetīti." Atha naṃ rājā pakkosāpetvā "tvam kira sāmikacchādanam yācasīti" pucchi. "Āma deva, itthiyā hi sāmiko acchādanam nāma, sāmikamhi asati saḥassamūlam pi sāṭakam nivatthā naggā yeva nāma". Imassa pan' atthassa sādhanatthaṃ.

Naggā nadī anodakā, naggam ratṭham arājikam
itthī pi vidhavā naggā yassāpi dasa bhātaro 'ti

idam suttaṃ āharitabbaṃ. Rājā tassā pasanno "te tayo janā kiṃ hontīti" pucchi. "Eko me deva sāmiko, eko bhāta, eko putto" ti. Rājā "ahan te tuṭṭho imesu tisu ekam demi, katamaṃ icchasīti" pucchi.

Sā aha: "ahm̐ deva jivamānā ekaṁ sāmikaṁ labhis
sāmi, puttam pi labhissām' eva, mātāpitunnaṁ pana
me matattā bhātā va dullabho' bhātaram me dehi devā"
ti. Rājā tussitvā tayo pi vissajjesi. Evaṁ taṁ ekikaṁ
nissāya tayo janā dukkhato muttā. Taṁ kāraṇam
bhikkhusaṁghe pākataṁ jātaṁ.

Ath' ekadivasam bhikkhū dhammasabbhāyaṁ sannip
patitā "āvuso ekaṁ itthim nissāya tayo janā dukkhā
muttā" ti tassā guṇakathāya nisīdimsu. Satthā āgantvā
"kāya nu ttha bhikkhave etarahi kathāya sannisinnā" ti
pucchitvā "imāya nāmā" ti vutte "na bhikkhave esā
itthī idān' eva te tayo jane dukkhā mocesi, pubbe pi
mocesi yeva" ti vatvā atītaṁ āhari.

Atīte Bārāṇasīyaṁ Brāhmadatte rajjaṁ kārente tayo
janā aṭavimukhe kasantīti sabbam purīmasadisaṁ eva.
Tadā pana raññā "tīsu janesu kaṁ icchasīti" vutte sā
āha; "tayo pi dātum na sakkotha devā" ti. "Āma na
sakkomīti." "Sace tayo pi dātum na sakkotha bhā
taram me dethā" ti. "Puttakaṁ vā sāmikaṁ vā gaṇha,
kin te bhātara" ti ca vuttā "itī vatvā imaṁ gātham āha :
"ete deva sulabhā, bhātā pana dullabho".

Ucchanga deva me putto pathe dhāvantiyā pati,

Taṁ ca desaṁ na passāmi yato sodariyam ānaye ti.
Rājā "saccaṁ esā vadatīti" tuṭṭhacitto tayo pi jane
bandhanāgarato ānetvā adāsi. Sā tayo pi te gahetvā gatā.
Satthā pi "na bhikkhave idān" eva, pubbe pi esā
ime tayo jane dukkhā mocesi yeva" ti imaṁ dhamma
desanaṁ āharitvā anusandhim gahetvā jātakam sam
dhānesi; "atīte cattāro etarahi cattāro va, rājā pana
ahan tena samayena" ti. SRI JAGADGIURU VISHWARADHYA

VEDABBHA-JĀTAKA.

Atīte Bārāṇasīyaṃ Brahmadaṭṭe rājjaṃ kārente
ekasmim gāmake aññātaro brāhmaṇo Vedabbhaṃ nāma
mantam jānāti. So kira mauto anaggho mahāraho.
Nakkhattayoge laddhe taṃ mantam parivattetvā ākāse
ullokite ākāśato sattaratanavassam vassati. Tadaṃ Bodhi-
satto tassa brāhmaṇassa santike sippam uggaṇhāti. Atha
ekadivasam bhāhmaṇo Bodhisattam ādāya kenacid eva
kāraṇīyena attano gāmaṃ nikkhamitvā Cetiyarattham
agamāsi. Antarāmagge ekasmim araññatthāne pañcasatā
pesanakacorā nāma panthagatam karonti. Te Bodhi-
sattam ca Vedabbhabrāhmaṇam ca gaṇhimsu.

Kasmā pana ete pesanakacorā ti vuccanti, te kira dve
jane gaṇetvā ekaṃ dhanāharaṇatthāya pesenti. tasmā
pesanakacorā ti eva vuccanti, te pi ca pitāputte gaṇetvā
pitaram "tvam amhākaṃ dhanam āharitvā puttam
gaṇetvā yāhīti" vadanti, eten" upāyena mātudhitaro
gaṇetvā mātaram vissajjenti, jettakakaniṭṭhe gaṇetvā
jettakabhātikam vissajjenti, ācariyantevāsike gaṇetvā
antevāsikam vissajjenti. Te tasmim pi kāle Vedabbha-
brāhmaṇam gaṇetvā Bodhisattam vissajjesum.

Bodhisatto ācariyam vanditvā "aham ekāhadvīhacca-
yena āgamissāmi, tumhe mā bhāyittha, api ca kho pana
mama vacanam karoṭha, ajja dhanavassāpanakanakkhat-

tayogo bhavissati, mā kho tumhe dukkhaṃ asahanto mantam parivattetvā dhanam vassāpayittha, sace vassāpessatha tumhe vināsam pāpuṇissatha ime ca pañcasatā corā” ti. Evaṃ ācariyam ovaditvā dhanatthāya agamāsi. Corāpi suriye attham gate brhāmaṇam bandhitvā nipajjāpesum. Tam khaṇam yeva pācinalokadhātuto paripuṇṇam candamaṇḍalam utthahi. Brāhmaṇo nakkhattam olokento “dhanavassāpanakanakkhattayogo laddho, kim me dukkhena anubhūtena, mantam parivattetvā ratanavassam vassāpetvā corānam dhanam datvā yathāsukham gamissāmīti” cintetvā core āmantesi: “bho corā, tumhe maṃ kimatthāya gaṇhitthā” ti. “Dhanatthāya ayyā” ti. “Sace vo dhanena attho khippam maṃ bandhanā moce tvā sīsam nahāpetvā ahatavatthāni acchādetvā gandhehi vilimpāpetvā pupphāni pilandhāpetvā ṭhapethā” ti. Corā tassa katham sutvā tathā akāmsu, Brāhmaṇo nakkhattayogam fiatvā mantam parivattetvā ākāsam ullokesi, Tāvadeva ākāsaṃ ratanāni patimsu, Corā tam dhanam saṃkaḍḍhitvā uttarāsaṅgesu bhaṇḍikaṃ katvā pāyimsu. Brāhmaṇo pi tesam pacchato va agamāsi.

Atha te core aññe pañcasatā corā gaṇhimsu. “Kimattham amhe gaṇhathā” ti ca vutte “dhanatthāya” ti āhamsu. “Yadi vo dhanena attho etam brāhmaṇam gaṇha, eso ākāsam ulloketvā dhanam vassāpesi, ambhakaṃ pi etam eten’ eva dinnam” ti. Corā core vissajjetvā “ambhakaṃ pi dhanam dehīti” brāhmaṇam gaṇhimsu. Brāhmaṇo “aham tumhakaṃ dhanam dadeyyam dhana-

vassāpanaka nakkhattayogo pana ito samvacchara-
matthake bhavissati, yadi vo dhanena attho adhivāsetha
tadā dhanavassam vassāpessāmīti” āha.

Corā kujjhitvā “ambho duṭṭhabrahmaṇa aññesaṃ idān’
eva dhanam vassāpetvā amhe aññaṃ samvaccharaṃ adhi-
vāsāpesīti” tiṇhena asinā brahmaṇam dvidhā chinditvā
magge chaḍḍetvā vegena anubandhitvā tehi corehi saddhiṃ
yujjhitvā te sabbe pi māretvā dhanam ādāya puna dve
koṭṭhāsā hutvā aññamaññaṃ yujjhitvā aḍḍhateyyāni
purisasatāni ghāetvā etena upāyena yāva dve janā
avasitṭhā ahesum tāva aññamaññaṃ ghātayimsu. Evam
taṃ purisasahassaṃ vināsaṃ pattam. Te pana dve janā
upāyena taṃ dhanam āharitvā ekasmiṃ gāmasamipe
gahanatṭhāne dhanam paṭicchādetvā eko khaggaṃ
gahetvā rakkhanto nisīdi, eko taṇḍule gahetvā bhattam
pacāpetum gāmaṃ pāvisi. “Lobho ca nāma esa vināsa-
mūlam evā” ’ti.

Dhanasantike nisinnō cintesi : “tasmiṃ āgate imaṃ
dhanam dve koṭṭhāsā bhavissanti, yaṃ nūnāhaṃ taṃ
āgatamattam eva khaggena paharitvā ghāteyyan” ti so
khaggaṃ sanhayhitvā tassa āgamanam olovento nisīdi.
Itaro pi cintesi : “taṃ dhanam dve koṭṭhāsā bhavissanti,
yaṃ nūnāhaṃ bhatte visam pakkhipitvā taṃ purisaṃ
bhojetvā jīvitakkhayaṃ pāpetvā ekako va dhanam gaṇ-
heyyan” ti so niṭṭhite bhatte sayam bhuñjitvā sesake
visam pakkhipitvā taṃ ādāya tattha agamāsi. Taṃ
bhattam otāretvā tṭhitamattam eva itaro khaggena dvidhā
chetvā taṃ paṭicchanne tṭhāne chaḍḍetvā taṃ ca bhattam

bhuñjitvā sayam pi tattheva jīvitakhayaṃ pāpuṇi.
Evaṃ taṃ dhanam nissāyā sabbe pi vināsam
pāpuṇimsu.

Bodhisatto pi kho ekāhadvīhaccayena dhanam ādaya
āgato. Tasmim̐ thāne ācariyam̐ adisvā vippakiṇṇam̐
pana dhanam̐ disvā "ācariyena mama vacanam̐ akatvā
dhanam̐ vassāpitam̐ bhavissati, sabbehi vināsam̐ pattehi
bhavitabban" ti mahāmaggena pāyāsi. Gacchanto ācari-
yam̐ mahāmagge dvidhā chinṇam̐ disvā "mama vacanam̐
akatvā mato" ti dārūnī uddharitvā citakam̐ katvā ācariyam̐
jhāpetvā vanapupphehi pūjetvā parato gacchanto jīvi-
takkhayaṃ patte pañcasate parato adḍhateyyasate ti
anukkamena avasāne dve jane jīvitakkhayaṃ patte
disvā cintesi : "imaṃ dvīhi tūnam̐ purisasahassam̐ vinā-
sam̐ pattam̐, aññehi dvīhi corehi bhavitabbam̐, te pi
santhambhitum̐ na sakkhissanti, kuhin nu kho te gata" ti
gacchanto tesam̐ dhanam̐ ādaya gahanatṭhānapavittṭha
maggam̐ disvā gacchanto bhaṇḍikabaddhassa dhanassa
rāsim̐ disvā ekam̐ bhattapāṭim̐ avattharitvā matam̐
addasa.

Tato "idan nāma tehi kataṃ bhavissatīti" sabbam̐
ñatvā "kahan nu so puriso" ti vicinanto taṃ pi paṭi-
channe thāne apaviddham̐ disvā "ambakam̐ ācariyo mama
vacanam̐ akatvā attano dubbacabbāvena attanāpi vināsam̐
patto, aparam̐ pi tena purisasahassam̐ vināsitam̐, anupā-
yena vata akāraṇena attano vuddhim̐ patthayamānā
ambakam̐ ācariyo viya mahānāsam̐ eva pāpuṇissantīti"
cintetvā imaṃ gātham̐ āha :

Anupāyena yo atthaṃ icchati so vihaññati,
Cetā haniṃsu Vedabbam, sabbe vyasanam ajjhagūti.

Evam Bodhisatto "yathā amhākaṃ ācariyo anupāyena atthāne parakkamaṃ karonto dhanam vassāpetvā attanā jīvitakkhayaṃ patto aññesaṃ ca vināsapaccayo jāto evaṃ eva yo añño pi anupāyena attano atthaṃ icchitvā vāyāmaṃ karissati" sabbaso attanā ca vinassissati paresaṃ ca vināsappaccayo bhavissatīti" vanaṃ unnādetvā devatāsu sādhu-kāraṃ dadamānāsu imāya gāthāya dhammaṃ desetvā taṃ dhanam upāyena attano gehaṃ āharitvā dānādini puññāni karonto yāvatāyukam thatvā jīvitapariyosāne saggapathaṃ pūrayamāno agamāsi.

DADHIVĀHANA-JĀTAKA

Atīte Bārāṇasīyaṃ Brahmadaṭṭe rajjaṃ kārente Kāsi-
ratṭhe cattāro bhātaro brāhmaṇā isipabbajjaṃ pabbajitvā
Himavantapadesa paṭipāṭiyā paṇṇasālā katvā
vāsaṃ kappesaṃ. Tesāṃ jeṭṭha bhātā kālaṃ katvā
Sakkattaṃ pāpuṇi.

So taṃ kāraṇaṃ ñatvā antarantaraṃ sattatṭhadi-
saccayena tesāṃ upatṭhānaṃ gacchanto ekadivasāṃ
jeṭṭhakatāpasāṃ vāditvā ekamantaṃ nisīditvā “bhante,
kena te attho” ti pucchi. paṇḍurogatāpasaso “agginā me
attho’ ti āha. So tassa vāsipharasukaṃ adāsi. Vāsipa-
rasuko nāma daṇḍe pavesanavasena vāsi pi hoti pharasu
pi. Tāpasaso “ko me imaṃ adāya dārūni āharissatīti” āha.
Atha naṃ Sakko evaṃ āha: “yadā te bhante dārūhi
attho imaṃ pharasuṃ hatthena pahaṃsitvā dārūni me
āharitvā aggim kareyyāsīti” vadeyyāsi, dārūni āharitvā
aggim katvā dassatīti.”

Tassa vāsipharasukaṃ datvā dutiyaṃ pi upasaṃ-
kamitvā “bhante, kena te attho” ti pucchi. Tassa
paṇṇasālāya hatthimaggo hoti. So hatthīhi upadduto
“hatthīnaṃ me vasena dukkhaṃ uppajjati, te palāpehīti”
āha. Sakko tassa ekaṃ bherim upanāmetvā “bhante,
imasmim tale pahāṇe tumbhākaṃ paccāmittā palāyissanti,
imasmim pahāṇe mettacittā hutvā caturaṅginiyā senāya-
parivāressantīti” vatvā taṃ bherim datvā kaniṭṭhassa
santikaṃ gantvā “bhante, kena te attho” ti pucchi.

So pi paṇḍurogadhātuko va, tasmā “dadhinaṃ me attho” ti āha. Sakko tassa ekaṃ dadhighaṭaṃ datvā “sace tumhe icchamānā imaṃ āvajjessatha mahānadiṃ hutvā mahoghaṃ pavattetvā tumhākaṃ rajjaṃ gabetvā dātum samattho pi bhavissatīti” vatvā pakkāmi. Tato paṭṭhāya vāsipharasuko jetṭhabhātikassa aggim karoti, itarena bheritale pabaṭe batthi palāyanti, kaniṭṭho dadhim paribhuñjati.

Tasmim kāle eko sūkaro ekasmim purāṇagāmaṭṭhāne caranto ānubhāvasampannaṃ ekaṃ maṇikkhaṇḍaṃ addasa. So taṃ maṇikkhaṇḍaṃ mukhena ḍasitvā tassānubhāvena ākāse uppatitvā samuddamajjhe ekaṃ dīpaṃ gantvā “ettha dāni mayā vasitum vaṭṭatīti” otaritvā phāsukaṭṭhāne udumbararukkhaṃ heṭṭhā vasaṃ kappesi. So ekadivasaṃ tasmim rukkhamaṇḍale maṇikkhaṇḍaṃ purato ṭhapetvā niddaṃ okkami.

Ath’ eko Kāsiraṭṭhavāsimanusso “nirupakāro esa amhākaṃ” ti mātāpitūhi gehā nikkadḍhito ekaṃ paṭṭa-nagāmaṃ gantvā nāvikaṇaṃ kammakaro hutvā nāvaṃ āruya samuddamajjhe bhinnāya nāvāya phalake nipannaṃ taṃ dīpaṃ patvā phalāphalāni pariyesanto taṃ sūkaraṃ niddāyantaṃ disvā saṇikaṃ gantvā maṇikkhaṇḍaṃ gaṇhitvā tassa ānubhāvena ākāse uppatitvā udumbararukkhe nisīditvā cintesi: ayaṃ sūkaro imassa maṇikkhaṇḍassa ānubhāvena ākāsa-cariko hutvā idha vasati maññe, mayā pana paṭhamam eva imaṃ māretvā marasaṃ khāditvā pacchā gantum vaṭṭatīti. So ekaṃ daṇḍakaṃ bhañjitvā tassa sīse pātesi. Sūkaro pabujjitvā

mañiṃ apassanto ito ca tato ca kampamāno vidhāvati. Rukkhe nisinnapuriso hasi. Sūkaro olovento taṃ disvā rukkhaṃ sīsena paharitvā tatth' eva mato.

So puriso otaritvā aggim katvā tassa maṃsaṃ pacitvā khāditvā ākāse uppatitvā Himavantamatthakena gacchanto assamapadaṃ disvā jetṭhatāpasassa assame otarivā dvīhatīhaṃ vasitvā tāpasassa vattapaṭivattaṃ akāsi, vāsipharasukassa ānubhāvaṃ ca passi. So "imaṃ mayā gahetuṃ vaṭṭatīti" maṇikkhaṇḍassa ānubhāvaṃ tāpasassa dassetvā "bhante, imaṃ me gahetvā vāsipharasukaṃ detthā" ti āha.

Tāpaso ākāseṇa caritukāmo taṃ gahetvā vāsipharasukaṃ adāsi. So taṃ gahetvā thokaṃ gantvā vāsipharasukaṃ pahaṃsitvā "vāsipharasuka, tāpasassa sīsaṃ chinditvā maṇikkhaṇḍaṃ me āharā" ti āha. So gantvā tāpasassa sīsaṃ chinditvā maṇikkhaṇḍaṃ āhari. So vāsipharasukaṃ paṭicchannaṭṭhāne ṭhapetvā majjhima-tāpasassa santikaṃ gantvā katipāhaṃ vasitvā bheriyā ānubhāvaṃ disvā maṇikkhaṇḍaṃ datvā bheriṃ gaṇhitvā purimanayena eva tassa pi sīsaṃ chindāpetvā kaniṭṭhaṃ upasaṃkamitvā dadhighaṭassānubhāvaṃ disvā maṇikkhaṇḍaṃ datvā dadhighaṭaṃ gahetvā purimanayena eva tassa sīsaṃ chindāpetvā maṇikkhaṇḍaṃ ca vāsipharasukaṃ ca bheriṃ ca dadhighaṭaṃ ca gahetvā ākāse uppatitvā Bārāṇasiyā avidūre ṭhatvā Bārāṇasirañño "yuddhaṃ vā me detu rajjaṃ vā" ti ekassa purisassa hatthe paṇṇaṃ pāhesi. Rājā sāsanaṃ sutvā va "coraṃ gaṇhissāmā" ti nikkhami.

So ekaṃ bheritalaṃ pahari, caturāṅginī senā parivāresi. Rañño avattharaṇabhāvaṃ ñatvā dadhighataṃ vissajjesi, mahānadī pavatti, mahājano dadhimhi osīditvā nikkhamitum nāsakkhi. Vāsipharasukaṃ pahaṃsitvā “rañño sīsaṃ āharā” ti āha, vāsipharasuko gantvā sīsaṃ āharitvā pādamūle nikkhipi, eko pi āvudhaṃ ukkhipitum nāsakkhi. So mahantena balena parivuto nagaraṃ pavisitvā abhisekaṃ kāretvā Dadhivāhano nāma rājā hutvā dhammena rajjaṃ kāresi.

Tass’ ekadivasam mahānadiyaṃ jālakaraṇḍake kilāntassa Kaṇṇamuṇḍadahato devatāparibhogaṃ ekaṃ ambapakkam āgantvā jāle laggi. Jālaṃ ukkhipantā taṃ disvā rañño adamsu. Taṃ mahantaṃ ghaṭṭappamānaṃ parimaṇḍalaṃ suvaṇṇavaṇṇaṃ ahosi. Rājā ‘kissa phalaṃ nāma etan’ ti vanacārake pucchitvā “ambaphalan” ti sutvā paribhuñjitvā tassa atṭhiṃ attano uyyāne ropāpetvā khīrodakena siñcāpesi. Rukkho nibbattitvā tatiye samvacchare phalaṃ adāsi.

Ambassa sakkāro mahā ahosi, khīrodakena siñcanti gandhapañcaṅgulikaṃ denti, mālādāmāni parikkhipanti, gandhatelena dīpaṃ jālenti, parikkhepo pana assa paṭasāniyā ahosi. Phalāni madhurāni suvaṇṇavaṇṇāni ahesum. Dadhivāhanarājā aññesaṃ rājānaṃ ambaphalaṃ pesento atṭhito rukkhanibbattanabhayena amkurani-bbattanatṭhānaṃ maṇḍukaṇṭakena vijjhितvā peseti. Tesam ambaṃ khāditvā atṭhi ropitaṃ na sampajjati. Te “kiṃ nu kho ettha kāraṇaṃ” ti pucchantā taṃ kāraṇaṃ jānimsu.

:

Ath' eka rājā uyyānapālaṃ pakkosivā "Dadhivāha-
nassa ambaphalānaṃ rasam nāsetvā tittakabhāvaṃ kātum
sakkhissasīti" pucchitvā "āma devā" ti vutte "tena hi
gacchā ti" sahaṃsaṃ datvā pesesi. So Bārāṇasim gantvā
"ekauyyānapālo āgato" ti raññā ārocāpetvā tena pakkosa-
pito pāvisitvā rājānaṃ vanditvā "tvaṃ uyyānapālo ti
puṭṭho "āma devā" ti vatvā attano ānubhāvaṃ vaṇṇesi.
Rājā "gaccha, ambakaṃ uyyānapālassa santike hobhīti"
āha. Te tato paṭṭhāya dve janā uyyānaṃ paṭijagganti.

Adhunāgata uyyānapālo akālapupphāni pupphāpento
akālaphalāni gaṇhāpento uyyānaṃ ramaṇīyam akāsi.
Rājā tassa pasīditvā porāṇakauyyānapālaṃ nīharitvā tassa
eva uyyānaṃ adāsi. So uyyānassa attano hatthagata
bhāvaṃ ñatvā ambarukkhaṃ parivāretvā nimbe ca pagga-
vavalliyo ca rōpesi. Anupubbena nimbā vaḍḍimsu.
Mūlehi mūlāni sākhaṃhi sākha samsatṭhā onaddhā vinaddhā
ahesuṃ.

Tena asāta-amadhurasamsaggena tāva madhuraphalo
ambo tittako jāto nimbapaṇṇasadisaraso. Ambaphalā-
naṃ tittakabhāvaṃ ñatvā uyyānapāla palāyi. Dadhi-
vāhano uyyānaṃ gantvā ambaphalaṃ khādanto mukhe
pavittṭhaṃ ambayūsaṃ nimbakasaṭṭhaṃ viya ajjhoharitum
asakkonto kakkāretvā niṭṭhubhi. Tadaṃ Bodhisatto tassa
atthadhammānusāsako ahosi. Rājā Bodhisattaṃ āmante-
tvā "paṇḍita, imassa rukkhassa porāṇakaparihārato
parihīnaṃ n' atthi evaṃ sante pi 'ssa phalaṃ tittakaṃ
jātaṃ, kin nu kāraṇaṃ" ti pucchanto paṭhamam gātham
āha:

Vaṇṇagandharasūpeto amb' āyaṃ ahuvā pure,
 Taṃ 'va pūjaṃ labhamāno ken' ambo kaṭukapphalo ti.
 Ath' assa kāraṇaṃ ācikkhanto Bodhisatto dutiyaṃ gātham
 āha :

Pucimandaparivāro ambo te Dadhivāhana,
 Mūlaṃ mūlena saṃsaṭṭhaṃ, sākha sākha nisevare,
 Asataṃ sannivāsena ten' ambo kaṭukapphalo ti.

Rājā tassa vacanaṃ sutvā sabbe pi pucimande ca
 paggave ca chindāpetvā mūlāni uddharāpetvā samantā
 amadhuraṃ paṃsum harāpetvā madhuraṃ paṃsum
 pakkipāpetvā khīrodaka-sakkharodaka-gandhodakehi
 ambam paṭijaggāpesi. So madhurarasasamsaggena puna
 madhuro va ahosi. Rājā pakati-uyyānapālakassa eva
 uyyānaṃ niyyādetvā yāvatāyukaṃ ṭhatvā yathākammaṃ
 gato.

MAHĀSĪLAVA-JĀTAKA.

Atīte Bārāṇasiyaṃ Brahmadaṭṭe rajjaṃ kārente Bodhisatto rañño aggamahesiyā kucchismiṃ nibbatto. Tassa nāmagahaṇadivase Sīlavakumāro ti nāmaṃ akaṃsu. So soḷasavassapadesiko va sabbasippesu nipphatiṃ patvā aparabhāge pitu accayena rajje patiṭṭhito Mahāsīlava-rājā nāma ahosi dhammiko dhammarājā. So nagarassa catūsu dvāresu catasso majjhe ekaṃ nivesanadvāre ekaṃ ti cha dānasālā kāretvā kapaṇaddhikānaṃ dānaṃ deti sīlaṃ rakkhati uposathakammaṃ karoti khantimettānuddayasampanno, aṃke nisinnaṃ puttaṃ paritosayamāno viya sabbasatte paritosayamāno dhammena rajjaṃ kāreti. Tassa eko amacco antopure padubbhittvā aparabhāge pākaṭo ahosi. Amaccā rañño ārocesuṃ.

Rājā parigaṇhanto attanā paccakkhato ñatvā taṃ amaccaṃ pakkosāpetvā "andhabāla, ayuttan te kataṃ, na tvaṃ mama vijite vasituṃ arahasi, attano dhanāṃ ca putta-dāraṇi ca gahetvā aññattha yāhīti" raṭṭhā pabbājesi. So Kāsiraṭṭhaṃ atikkamma Kosalarājānaṃ upaṭṭhahanto anukkamena rañño abbhantaro vissāsiko jāto. So eka-divasaṃ Kosalarājānaṃ āha: "deva Bārāṇasirajjaṃ nimmakkhikamadhupaṭalasadisāṃ, rājā atimuduko, appen' eva balavāhanena sakkā Bārāṇasirajjaṃ gaṇhituṃ" ti."

Rājā tassa vacanaṃ sutvā "Bārāṇasirajjaṃ nāma mahā, ayaṇi 'appen' eva balavāhanena sakkā gaṇhituṃ" ti āha, kin nu kho payuttakacoro siyā" ti cintetvā

“payuttako si maññe” ti āha. “Nāhaṃ deva payuttako-saccaṃ eva vadāmi, sace me na saddahatha manusse pesetvā paccantagāmaṃ hanāpetha, te manusse gahe tvā attano santikaṃ nīte dhanam datvā vissajjessatīti.” Rājā “ayaṃ ativiya sūro hutvā katheti, vimaṃsissāmi tāvā” ti attano purise pesetvā paccantagāmaṃ hanāpesi. Te core gahe tvā Bārāṇasirañño dassesum. Rājā te disvā “tātā, kasmā gāmaṃ hanathā” ti pucchi. “Jivitum asakkontā devā” ti. “Atha kasmā mama santikaṃ na āgamittha, ito dāni patthāya evarūpaṃ mā karitthā” ti tesam dhanam datvā vissajjesi. Te gantvā Kosalarāñño taṃ pavattim ārocesum. So ettakenāpi gantum avisahanto puna majjhe janapadaṃ hanāpesi. Te pi core rājā tath’ eva dhanam datvā vissajjesi. So ettakenāpi agantvā puna pesetvā antaravithiyaṃ vilumpāpesi. Rājā tesam pi corānaṃ dhanam datvā vissajjesi yeva.

Tadā Kosalarājā “ativiya dhammiko rājā” ti ñatvā “Bārāṇasirajjaṃ gahe ssāmīti” balavāhanaṃ ādāya niyyāsi. Tadā pana Bārāṇasirañño mattavārane abhimukhaṃ āgacchante anivattanadhammā assaniyāpi sīse patantiyā āsantanasabhāvā Silavamahārājassa ruciyaṃ sati sakala-Jambudīpe rajjaṃ gahe tum samatthā sahas samattā abhejjavarasūramahāyodhā honti. Te “Kosalarājā āgacchatīti” sutvā rājānaṃ upasaṃkamitvā “deva, Kosalarājā kira “Bārāṇasirajjaṃ gaṇhissāmīti” āgacchati, ga chāma naṃ amhākaṃ rajjasīmaṃ anokkantamattā eva pothetvā gaṇhāmā” ti vadiṃsu. “Tātā, maṃ nissāya aññesaṃ kilamanakiccaṃ na atthi, rajjatthikā rajjaṃ gaṇhantu, mā gaṃitthā” ti nivāresi.

Kosalarājā sīmaṃ atikkamitvā janapadamajjha-
pāvisi. Amaccā puna pi rājānaṃ upasaṃkamitvā tathā
eva vadimsu. Rājā purimanayena eva nivāresi. Kosala-
rājā bahinagare tthatvā “rajjam vā detu yuddham vā” t.
Sīlavamahārājassa sāsanaṃ pesesi. Rājā taṃ sutvā ‘n’
atthi mayā saddhiṃ yuddham, rajjam gaṇhatū” ‘ti paṭi-
sāsanaṃ pesesi. Puna pi amaccā rājānaṃ upasaṃkamitvā
“deva na mayam Kosalarañño nagaram pavisitum dema,
bahinagare yeva naṃ pothetvā gaṇhāmā” ‘ti āhaṃsu.
Rājā purimanayena eva nivāretvā nagaradvārāni avāpura-
petvā saddhiṃ amaccasabassena mahātale pallaṃkamajjhe
nisīdi. Kosalarājā mahantena balavāhanena Bārāṇasīṃ
pāvisi.

So ekam pi paṭisattum appassanto ‘rañño nivesanadvā-
raṃ gantvā amaccagaṇaparivutaṃ apārutadvāre nivesane
alamkatapatiyattaṃ mahātalaṃ āruyha nisinnaṃ niraparā-
dham Sīlavamahārājānaṃ saddhiṃ amaccasabassena gaṇ-
hāpetvā “gacchatha, imaṃ rājānaṃ saddhiṃ amaccehi
paccābāham gaṇhabandhanaṃ bandhitvā āmakasusānaṃ
netvā galappamāne āvāṇe khaṇitvā yathā eko pi hatthaṃ
ukkhipitum na sakkoti evaṃ paṃsum pakkhipitvā nikha-
ṇatha, rattim sigālā āgantvā etesaṃ kātabbayuttakaṃ
karissanti” āha. Manussa corarañño ānaṃ sutvā rājā-
naṃ saddhiṃ amaccehi paccābāham gaṇhabandhanaṃ
bandhitvā nikkhāmesum.

Tasmim pi kāle Sīlavamahārājā corarañño aghāta-
mattaṃ pi nākāsi. Tesu pi amaccesu evaṃ bandhitvā
niyamānesu eko pi rañño vacanaṃ bhinditum samattho
nāma nāhosi, evaṃ suvinītā kir’ assa parisā. Atha te

rājapurisā sāmaccam Sīlavarājānaṃ āmakasusānaṃ netvā galappamāṇe āvāṇe khaṇṭvā Sīlavamahārājānaṃ majjhe ubhosu passesu sesāmacce ti sabbe pi āvāṇesu otāretvā paṃsum ākiritvā ghaṇaṃ ākoṭetvā agamaṃsu. Sīlavarājā amacce āmantetvā “corarañño upari kopam akatvā mettam eva bhāvettha tātā” ti ovadī. Atha aḍḍharatta-samaye “manussamaṃsaṃ khādissāmā” ’ti sigālā āga-miṃsu. Te disvā rājā ca amaccā ca ekappahārena eva saddaṃ akaṃsu. Sigālā bhītā palāyiṃsu. Te nivattitvā oloketā paccato kassaci anāgamanabhāvaṃ ñatvā puna paccāgamiṃsu. Itare pi tatheva saddaṃ akaṃsu.

Evam yāvatatiyaṃ palāyitvā puna oloketā tesu ekassāpi anāgamanabhāvaṃ ñatvā : “vajjhappattā ete bhavissantīti” sūrā hutvā nivattitvā puna tesu saddaṃ karontesu pi na palāyiṃsu. Jeṭṭhakasigālo rājānaṃ upagañchi, sesā sesānaṃ santikaṃ agamaṃsu. Upāya-kusalo rājā tassa attano santikaṃ āgatabhāvaṃ ñatvā ḍasitum okāsaṃ dento viya gīvāṃ ukkhipitvā taṃ gīvāya ḍasamānaṃ hanukaṭṭhikena ākaḍḍhitvā yante pakkhi-pitvā viya gālhakaṃ gaṇhi. Nāgabalena rañña hanu-kaṭṭhikena ākaḍḍhitvā gīvāya daḥhagahitasigālo attānaṃ mocetum asakkonto maraṇabhayaatajjito mahāviraṇaṃ viravi. Avasesasigālā tassa taṃ attassaraṃ sutvā “ekena purisen esa gahito bhavissantīti” amacce upasaṃkamitum asakkontā maraṇabhayaatajjitā sabbe palāyiṃsu- Rañña hanukaṭṭhikena daḥhaṃ katvā gahitasigāle aparāparaṃ saṃsarante paṃsu sithilo ahosi. So pi sigālo maraṇa-bhayaabhīto catūhi pādehi rañña uparimabhāge paṃsum

apabbūhi. Rājā paṃsuno sithilabhāvaṃ ñatvā sigālaṃ
vissajjetvā nāgabalo thāmasampanno aparāparaṃ sañca-
ranto ubhohatthe ukkhipitvā āvāṭamukhavaṭṭiyaṃ
olubbha vātacchinnavalāhako viya nikkhamitvā tṭhito
amacche assāsetvā paṃsum viyūhitvā sabbe uddharitvā
amaccagaṇaparivuto āmakasusāne aṭṭhāsi.

Tasmiṃ samaye manussā ekaṃ matamanussaṃ āma-
kasusāne chaḍḍentā dvinnāṃ yakkhānaṃ sīmantarikāya
chaḍḍesuṃ. 'Yakkhā taṃ matamanussaṃ bhājetuṃ
asakkontā "mayāṃ imaṃ bhājetuṃ na sakkoma, ayaṃ
Sīlavarājā dhammiko, esa no bhājetvā dassati, etassa
santikaṃ gacchāmā" 'ti taṃ matamanussaṃ pāde gahetvā
kaḍḍhantā rañño santikaṃ gantvā "deva amhākaṃ imaṃ
bhājetvā dehīti" āhaṃsu. "Bho yakkhā, ahaṃ
imaṃ tumhākaṃ bhājetvā dadeyyaṃ, apprisuddho paṃ
amhi nahāyissāmi tāvā" ti. Yakkhā corarañño tṭhapita-
vāsita-udakaṃ attano ānubhāvena āharitvā rañño nahā-
natthāya adaṃsu, nahātvā tṭhitassa saṃharitvā tṭhapite
corarañño sātāke āharitvā adaṃsu, te nivāsetvā tṭhitassa
catujātigandhasamuggaṃ āharitvā adaṃsu, gandhe
vilimpitvā tṭhitassa suvaṇṇasamugge maṇitālavantesu
tṭhapitāni nānāpupphāni āharitvā adaṃsu, pupphāni pi-
landhitvā tṭhitakāle aññaṃ kiṃ karomā" 'ti pucchīṃsu.
Rājā attano chātakākāraṃ dassesi. Te gantvā corarañño
sampāditāṃ nānaggarasabhojanaṃ āharitvā adaṃsu.

Rājā nahātānulitto maṇḍitapasādhito nānaggarasa-
bhojanaṃ bhuñji. Yakkhā corarañño tṭhapitavāsita-pāṇi-
yaṃ suvaṇṇabhikārena eva suvaṇṇasarakena pi saddhiṃ
āharīṃsu. Ath assa pāṇiyaṃ pīvitvā mukhaṃ vikkhā-

letvā hatthe dhovita-kāle corarañño sampāditam pañca-sugandhikaparivāram tambulam āharitvā adamsu, tam khāditvā t̥hitakāle “aññaṃ kiṃ karomā” ’ti pucchimsu, “gantvā corarañño ussisake nikkhittam maṅgalakhaggaṃ āharathā” ’ti tam pi gantvā āharimsu.

Rājā khaggaṃ gahetvā tam matamanussaṃ ujukam t̥hapāpetvā matthakamajjhe asinā paharivā dve koṭṭhāse katvā dvinnam samavibhattam eva vibhajitvā adāsi, datvā ca pana khaggaṃ dhovitvā sannayhitvā aṭṭhāsi. Atha te yakkhā manussamaṃsam khāditvā suhitā hutvā tuṭṭhacittā “aññaṃ te mahārāja kiṃ karomā” ’ti pucchimsu. “Tena hi tumhe attano ānubhāvena maṃ corarañño sirigabbhe otāretha ime ca amacce attano attano gehe patiṭṭhāpethā” ’ti, Te “sādhu devā” ti sampatiṇchitvā tathā akamsu,

Tasmiṃ samaye corarājā alaṃkatasirigabbhe sirisayanapiṭṭhe nīpanno niddāyati. Rājā tassa pamattassa niddāyantassa khaggatalena udaram pahari. So bhūto pabujjhivā dīpālokena Sīlavamahārājānam sañjānitvā sayanā vuṭṭhāya dhiṭiṃ upaṭṭhapetvā t̥hito rājānam āha : ‘mahārāja, evarūpāya rattiyā gahitārakkhe pihitadvāre bhāvane ārakkhamanussahi nirokāse t̥hāne khaggaṃ sñnayhitvā alaṃkatapaṭṭiyatto katham nāma tvaṃ imaṃ sayanapiṭṭham āgato” ti. Rājā attano āgamanākāram sabbam vitthūrato kathesi. Tam sutvā corarājā samviggamānaso “mahārāja ahaṃ manussabhūto pi samāno tumhākaṃ guṇam na jānāmi, paresam lohitamaṃsakhādakehi pana kakkhalehi pharusahi yakkehi tava guṇā nātā, nadānāhaṃ narinda

evarūpe sīlasampanne tayi dubbhissāmīti" khaggaṃ
 ādāya sapathaṃ katvā rājānaṃ khamāpetvā mahāsayane
 nipajjāpetvā attanā khuddakamañcake nipajjitvā pabhā-
 tāya rattiyā uṭṭhite suriye bheriṃ carāpetvā sabbasenīyo
 ca amaccabrāhmaṇagahapatike ca sannipātāpetvā tesam
 purato ākāse puṇṇacandaṃ ukkhipanto viya Sīlavarāṇṇo
 guṇe kathetvā parisamajjhe yeva puna rājānaṃ khamā-
 petvā rajjaṃ paṭicchāpetvā "ito paṭṭhāya tumhākaṃ
 uppannò corupaddavo mayhaṃ bhāro, mayā gahitārakkhā
 tumhākaṃ rajjaṃ karathā" 'ti vatvā pesuññakārakassa
 āṇaṃ katvā attano balavāhanaṃ ādāya sakaraṭṭhaṃ
 eva gato.

Sīlavamahārājāpi kho alaṃkatapaṭiyatto setacchat-
 tassa heṭṭhā sarabhapāḍake kañcanapallaṃke nisinno
 attano sampattiṃ oloketvā "ayaṃ ca evarūpā sampatti
 amaccasahassassa ca jīvitapaṭilābho mayi viriyaṃ
 akaronte na kiñci abhavissa viriyabalena pañāhaṃ
 naṭṭhaṃ ca imaṃ yasaṃ paṭilabhiṃ, amaccasahassassa
 ca jīvitadānaṃ adāsiṃ, āsācchedaṃ vata akatvā viriyaṃ
 eva kattabbaṃ, kataviriyassa hi phalaṃ nāma evaṃ
 samijjhatīti" cintetvā udānavasena imaṃ gāthaṃ āha :

Āsimseth' eva puriso, na nibbindeyya paṇḍito

passāmi vo 'haṃ attānaṃ, yathā icchiṃ tathā ahū, ti.

Evaṃ Bodhisatto "aho vata, bho sīlasampannānaṃ
 viriyaphalaṃ nāma samijjhatīti" imāya gāthāya udānaṃ
 udānetvā yavajīvaṃ puñṇāni karitvā yathākammaṃ gato.

DĪPAVAṂSA

CHAPTER III.

Bhāṇavāraṃ tatiyaṃ

- 149 Atitakappe rājāno
ṭhapetvāna bhavābhava
imamhi kappe rājāno
pakāsissāmi sabbaso.
- 150 Jātiṃ ca nāmagottaṃ ca
āyuṃ ca anupālanam'
sabban taṃ kittayissāmi,
taṃ suṇātha yathākathaṃ
- 151 Paṭhamābhisitto rājā
bhūmipālo jutindharo
Mahāsammato nāma nāmena
rajjaṃ kāresi khattiyo
- 152 Tassa putto Rojo nāma,
Vararojo nāma khattiyo,
Kalyāṇa-Varakalyāṇa
Uposatha mahissaro.

N.B.—Chapters I & II, (Verses 1 to 148) of Dīpa-
vamso are omitted from Matriculation
syllabus.

- 153 Mandhātā sattamo tesam
catudīpamhi issaro,
Caro, Upacaro rājā,
Cetiyo ca mahissaro.
- 154 Mucalo, Mahāmucalo,
Mucalinda, Sāgaro pi ca,
Sāgaradevo, Bharato ca,
Aṅgiso nāma khattiyo.
- 155 Ruci, Mahāruci nāma,
Patāpo, Mahāpatāpo pi ca,
Panādo, Mahāpanādo ca,
Sudassano nāma khattiyo.
- 156 Mahāsudassano nāma,
duve Nerū ca, Accimā,
aṭṭhaviṣati rājāno
āyu tesam asaṅkheyyā.
- 157 Kusavatī, Rājagahe
Mithilāyaṃ puruttame
rajjaṃ karimṣu rājāno,
tesam āyu asaṅkheyyā.
- 158 Dasa dasasatañceva,
sataṃ dasa sa hassiyo,
sahassaṃ dasa dasasahassañca,
dasa dasasahassaṃ stasahassiyo.
- 159 Dasa sataśahassañca koṭi,
dasakoṭi, koṭippakoṭiyo,
naḥutañca, ninnahutañca,
abbudo ca, nirabbudo.

- 160 Ababaṃ, aṭṭaṇṇeva
 ahahaṃ, kumudāni ca,
 sogandhikaṃ, uppalako,
 puṇḍarikapadumako,
- 161 Ettakā ganitā saṅkhepā
 gaṇanāgaṇikā taḥiṃ,
 tato uparimabhūmi
 asaṅkheyyāti vuccati.
- 162 Ekasataṇṇa rājāno
 Accimassapi atrajā
 mahārajjam akāresum
 nagare Pakulasavhaye.
- 163 Tesam pacchimako rājā
 Arindamo nāma khattiyo
 puttā paputtakā tassa
 cha paṇṇāsaṇṇa khattiyā
 mahārajjam akāresum
 Ayujjhānagare pure.
- 164 Tesam pacchimako rājā
 Duppasaho mahissaro,
 puttā paputtakā tassa
 saṭṭhi te bhūmipālakā
 Mahārajjam akāresum
 Bārāṇasīpuruttame.
- 165 Tesam pacchimako rājā
 Abhitatto nāma khattiyo,
 caturāsīti saḥassāni
 tassa puttapaputtakā

mahārajjaṃ akāresuṃ
Kapilanagare pure.

166 Tesam pacchimako rājā
Brahmadatto mahissaro,
puttā paputtakā tassa
chattimsapi ca khattiyā
mahārajjaṃ akāresuṃ
Hatthipuravaruttame.

167 Tesam pacchimako rājā
Kambalavasabho ahū,
puttā paputtakā tassa
battimsapi ca khattiyā
nagare Ekacakkhumhi
rajjaṃ kāresuṃ te idha.

168 Tesam pacchimako rājā
Purandado Devapūjito
puttā paputtakā tassa
aṭṭhavisati khattiyā,
mahārajjaṃ akāresuṃ
Vajirāyaṃ puruttame.

169 Tesam pacchimako rājā
Sādhino nāma khattiyo,
puttā paputtakā tassa
dvāvisa rājakhattiyā
mahārajjaṃ akāresuṃ
Madhurāyaṃ puruttame.

- 170 Tesam pacchimako rājā
 Dhammagutto mahabbalo,
 puttā paputtakā tassa
 aṭṭhārasa ca khattiyā
 nagare Ariṭṭhapure
 rajjam kāresum te idha.
- 171 Tesam pacchimako rājā
 narindo Siṭṭhināmako,
 puttā paputtakā tassa
 sattarasa ca khattiyā
 nagare Indapatthamhi
 rajjam kāresum te idha.
- 172 Tesam pacchimako rājā
 Brahmadevo mahīpati,
 puttā paputtakā tassa
 pannarasa ca khattiyā
 nagare Ekacakkhumhi
 rajjam kāresum te idha.
- 173 Tesam pacchimako rājā
 Baladatto mahīpati,
 puttā paputtakā tassa
 cuddasa rājakhattiyā
 mahārajjam akāresum
 Kosambimhi nagare pure,
- 174 Tesam pacchimako rājā
 Bhaddadevo ti vissuto,
 puttā paputtakā tassa
 nava rājā ca khattiyā

nagare Kaṇṇagacchamhi
rajjaṃ kāresuṃ te idha.

175 Tesam pacchimako rājā
Naradevo ti vissuto,
puttā paputtakā tassa
satta ca rājakhattiyā
mahārajjaṃ akāresuṃ
Rojāna nagare pure.

176 Tesam pacchimako rājā
Mahindo nāma khattiyo
puttā paputtakā tassa
dvādasa rājakhattiyā
mahārajjaṃ akāresuṃ
Campakanagare pure.

177 Tesam pacchimako rājā
Nāgadevo mahīpati
puttā paputtakā tassa
mahārajjaṃ kārayiṃsu
Mithilānagare pure

178 Tesam pacchimako rājā
Buddhadatto mahabbalo
puttā paputtakā tassa
pañcavisa ca khattiyā
mahārajjaṃ kārayiṃsu
Rājagahapuruttame,

179 Tesam pacchimako rājā
Dipaṅkaro nāma khattiyo.

- puttā paputtakā tassa
dvādaso rājakhattiyā
mahārajjaṃ kārayiṃsu
Takkaṣilāpuruttame.
- 180 Tesam pacchimako rājā
Tālissaro nāma khattiyo,
puttā paputtakā tassa
dvādaso rājakhattiyā
mahārajjaṃ kārayiṃsu
Kusinārāpuruttame.
- 181 Tesam pacchimako rājā
Purindo nāma khattiyo,
puttā paputtakā tassa
nava rājā ca khattiya
mahārajjaṃ kārayiṃsu
nagare Malitthīyake.
- 182 Tesam pacchimako rājā
Sāgaradevo mahissaro,
tassa putto Makhādevo
mahādānapati ahū.
- 183 Caturāsīti sahaṣṣāni
tassa puttāpaputtakā
mahārajjaṃ kārayiṃsu
Mithilānagare pure.
- 184 Tesam pacchimako rājā
Nemiyo Devapūjito
balacakkavatti rājā
sāgarantamahāpati.

- 185 Nemiya^{putto} Kalārajanako,
tassa putto Samaṅkaro,
Asoko nāma so rājā
muddhābhisittakhattiyo
- 186 Caturāsīti sahaṣṣāni
tassa puttapa^{puttakā}
mahārajjam kārayim^{su}
Bāraṇāsipuruttame.
- 187 Tesam pacchimako rājā
Vijayo nāma mahissaro,
tassa putto Vijitaseno
abhijāta^{jutindharo},
- 188 Dhammaseno, Nāgaseno,
Samatho nāmo Disampati,
Reṇu, Kuso, Mahākuso,
Navaratho, Dasaratho pi ca.
- 189 Rāmo, Bīlāratho nāma,
Cittadassi, Atthadassi,
Sujāto, Okkāko ceva,
Okkā^{mukho} ca Nipuro.
- 190 Candimā, Candamukho ca
Sivi rājā ca Sañjayo,
Vessantaro janapati
Jāli ca Sīhavāhano,
Sihassaro ca yo dhīro
pavenipālo ca khattiyo.

- 191 Dve asiti saḥassāni
tassa puttapaṭṭakā
rajjam kāresum rājāno
nagare Kapilasavhye.
- 192 Tesam pacchimako rājā
Jayaseno mahipati,
tassa putta Sihahanu
abhijātajutindharo.
- 193 Sihahanussa ye puttā
yassa te pañca bhātaro
Suddhodano ca Dhoto ca
Sakkodano ca khattiyo
- 194 Sukkodano ca so rājā
rājā ca Amitodano
ete pañca pi rājāno
sabbe Odananāmakā.
- 195 Suddhodanassāyaṃ putto
Siddhattho lokanāyako
janetvā Rāhulabhaddam
bodhāya abhinikkhami.
- 196 Sabbe te satasahassāni
cattāri nahutāni ca
apare tīṇi satarājāno
maḥesak khā siyāya ca
Ettakā paṭhavīpālā
bodhisattakule vuttā.

- 197 Anicca vata saṅkhārā
 uppādavayadhammino,
 uppajjitvā nirujjhanti,
 tesam vupasamo sukho ti.
 Mahārājavamso niṭṭhito.
- 198 Suddhodano nāma rājā
 nagare Kapilasavhaye
 Sihahanussāyaṃ putto
 rajjaṃ kāresi khattiyo.
- 199 Pañcannaṃ pabbatamajjhe
 Rājagahe puruttame
 Bodhiṣo nāma so rājā
 rajjaṃ kāresi khattiyo.
- 200 Sahāyā aññamaññā te
 Suddhodano ca Bhātiyo
 (imamhi paṭhame kappe
 pavenipālājanādhipā,
 jātiyā aṭṭhavassamhi
 uppannā pañca āsayā.
- 201 "Pitā maṃ anusāseyya
 attho rajjena khattiyo,
 yo mayhaṃ vijite Buddhō
 uppajjeyya narāsabho.
- 202 "Dassanaṃ paṭhamam mayhaṃ
 upasaṅkame Tathāgato,
 deseyya amatam dhammaṃ,
 pativijheyya muttamam."

- 203 Uppannā Bimbisārassa
 pañca āsayakā ime,
 jātiyā pannarase vasse
 'bhisitto pitu accaye.
- 204 So tassa vijite ramme
 uppanno lokanāyako,
 dassanaṃ paṭhamam tassa
 upasaṅkami Tathāgato,
 desitaṃ amataṃ dhammaṃ,
 abbhāññāsi mahīpati.
- 205 Jātivassaṃ mahāviraṃ
 pañcatimśa anūnakam,
 Bimbisāro samā timśā
 jātavasso mahīpati,
 viseso pañcahi vassehi
 Bimbisārassa Gotamo.
- 206 Paññāsaṃ ca dve vassāni
 rajjaṃ kāresi khattiyo,
 sattatimśampi vassāni
 saha Buddhehi kārayi.
- 207 Ajātasattu battimśa
 rajjaṃ kāresi khattiyo,
 aṭṭhavassābhisittassa
 Sambuddho parinibbuto.
- 208 Parinibbute ca Sambuddhe
 lokajetṭhe narāsabhe
 catuvisativassāni
 rajjaṃ kāresi khattiyo
 Bhāṇavāraṃ tatiyaṃ.

CHAPTER IV.

Bhāṇavāraṃ Catutthaṃ

- 209 Satteva sataśaḥṣāṇi
bhikkhusaṅghā samāgatā
arahā khīṇāsavā suḍḍhā
sabbe guṇaggataṃ gatā.
- 210 Te sabbe vicinitvāna
uccinitvā varaṃ varaṃ
pañcasatānaṃ therānaṃ
akāṃsu saṅghasammatāṃ.
- 211 Dhutavādānaṃ aggo so
Kassapo jinaśāsane,
bahussutānaṃ Ānando,
Vinaye Upālipaṇḍito,
- 212 Dibbacakkhumhi Anuruddho,
Vaṅḡso paṭibhānavā
Puṇṇo ca dhammakathikānaṃ
vicitrakathī Kumārakassapo.
- 213 Vibhajjanamhi Kaccāno
Koṭṭhito paṭisambhidā
aṇṇe patthi mahātherā
agaganikkhittakā bahū.
- 214 Tehi ca aṇṇehi therehi
katakiccehi sādhuhi
pañcasatehi therehi
dhammavinayaśaṅgaho
therehi katasāṅgaho

- 215 Upālīṃ Vinayam pucchitvā
Dhammaṃ Ānandasavhayaṃ
akāṃsu Dhammasaṅgahaṃ
Vinayañcāpi bhikkhavo.
- 216 Mahākassapathero ca
Anuruddho mahāgaṇī
Upālithero satimā
Ānando ca bahussuto.
- 217 Aññe bahu-abhiññātā
sāvakā Satthuvaṇṇitā
pattapaṭisambhidā dhīrā
chaḷabhiññā mahiddhikā
samādhijjhānam anuciṇṇā
saddhamme pāramīgatā,
- 218 Sabbe pañcasatā therā
navaṅgaṃ jinasāsaṇaṃ
uggahetvāna dhāresuṃ
Buddhaseṭṭhassa santike.
- 219 Bhagavato sammukhā suṭṭā
paṭiggahitā ca sammukhā
Dhammañca Vinayañcāpi
kevalaṃ Buddhadesitaṃ.
- 220 Dhammadharā, vinayadharā
sabbe pi āgatāgamā
asaṃhīrā asaṅkuppā
Satthukappā sadā garū.

- 221 Aggasantike gahetvā
 aggadhammā Tathāgatā
 agganikkhittakā therā
 aggaṃ akaṃsu saṅghaṃ ;
 sabbo pi so Theravādo,
 Aggavādoti vucchati.
- 222 "Sattapaṇṇaguhe ramme
 therā pañcasatā gaṇī
 nisinnā pavibhajjimsu
 navaṅgaṃ Satthusāsanaṃ."
- 223 "Suttaṃ geyyaṃ veyyākaraṇaṃ
 gāthudānivituttakaṃ
 jātakaṃbbhutavedallaṃ
 Navaṅgaṃ Satthusāsanaṃ."
- 224 Pavibhattā imaṃ therā
 saddhammamavināsaṇaṃ
 vaggapaṇṇāsakannāma
 saṃyuttañca nipātakaṃ
 āgamapiṭakaṃ nāma
 akaṃsu suttasammataṃ.
- 225 Yāva tiṭṭhanti saddhammā
 saṅghaṃ na vinassati
 tāvatā sāsanaaddhānaṃ
 ciraṃ tiṭṭhati Satthuno,
- 226 Katādhammañca Vinayaṃ
 saṅghaṃ sāsanaṛahaṃ
 asaṅkampi acalā bhūmi
 dāhaṃ appaṭivattiyaṃ.

- 227 Yo koci samaṇa vāpi
brāhmaṇo ca bahussuto
parappavādakusalo
vāavedhi samāgato
na sakkā paṭivaṭṭetum
Sineru va suppatitṭhito.
- 228 Devo Māro vā Brahmā ca
ye keci paṭhaviṭṭhitā
na passanti aṇumattaṃ
kiñci dubbhāsitaṃ padaṃ.
- 229 Evaṃ sabbaṅgasampannaṃ
dhammavinayaśaṅgahaṃ
suvibhattaṃ supaṭicchannaṃ
Satthu sabbaññutāya ca.
- 230 Mahākassapapāmoṃkhā
therā pañcasatā ca te
kataṃ Dhammañca Vinayaṃ
saṅgahaṃ avināsaṇaṃ
- 231 Sammāsambuddhasadisāṃ
dhammakāyasabhāvanaṃ
ñatvā janassa sandehaṃ
akāṃsu Dhammasaṅgahaṃ.
- 232 Anaññavādo sāratto
saddhammamamanurakkhano
ṭṭhiti sāsanaṃ addhānaṃ
theravādo sahetūko.

- 233 Yāvatā ariyā atthi
sāsane Buddhasāvaka
sabbe pi samanuddanti
paṭhamam Dhammasaṅgaham.
- 234 Mūlanidānam paṭhamam
ādi pubbaṅgamam dhuraṇi
therā pañcasatā katā
aggā ājāniyā kulan ti.
Mahākassapasāṅgaham niṭṭhitam
- 235 Nibbute lokanāthasmiṃ
vassāni soḷasaṃ tadā,
Ajātasattu catuvīsam,
Vijayassa soḷasaṃ ahū.
- 236 Samasaṭṭhi tadā hoti
vassaṃ Upālipaṇḍitaṃ,
Dāsako upasampanno
Upālitherasantike.
- 237 Yāvatā Buddhasaṭṭhassa
dhammappatti pakāsita
sabbam Upāli vācesi
navāṅgam jinabhāsitaṃ.
- 238 Paripuṇṇam kevalaṃ sabbam
navāṅgam suttamāgataṃ
uggahetvāna vācesi
Upāli Buddhasantike.

- 239 Saṅghamajjhe viyākāsi
Buddho Upālipaṇḍitaṃ ;
aggo vinayapāmoḁkko
Upāli mayhaṃ sāsane.
- 240 Evaṃ upanīto santo
saṅghamajjhe mahāgaṇī
sahassaṃ Dāsaka pāmoḁkkaṃ
vācesi piṭake tayo.
- 241 Khiṇāsavānaṃ vimalānaṃ
santānaṃ atthavādīnaṃ
therānaṃ paṇḁasatānaṃ
Upāli vācesi Dāsakaṃ.
- 242 Parinibbutaṃhi Sambuddhe
Upālithero mahāgaṇī
Vinayaṃ tāva vācesi
tiṃsa vassaṃ anūnakaṃ
- 243 Caturāsīti sahassāni
navaṅgaṃ Satthusāsanaṃ
vācesi Upāli sabbhaṃ
Dāsakaṃ nāma paṇḍitaṃ.
- 244 Dāsako piṭakaṃ sabbhaṃ
Upālitherasantike
uggahetvāna vācesi
upajjhāyo va sāsane.
- 245 Saddhivihārikaṃ therāṃ
Dāsakaṃ nāma paṇḍitaṃ
Vinayaṃ sabbhaṃ ṭhapetvāna
nibbuto so mahāgaṇī.

- 246 Udayo soḷasa vassāni
 rajjaṃ kāresi khattiyo
 chabbasse Udayabhaddamhi.
 Upālithero so nibbuto.
- 247 Sonako mānasampanno
 vāṇijo Kāsimāgato
 Giribbaje Veluvane
 pabbaji Satthusāsane.
- 248 Dāsako gaṇapāmokkho
 Māgadhānaṃ Giribbaje
 vihāsi sattatimsamhi
 pabbājesi ca Sonakaṃ.
- 249 Pañcacattālīsavasso so
 Dāsako nāma paṇḍito,
 Nāgadāsadasavassaṃ
 Paṇḍurājassa vīsati,
 upasampanno Sonako
 thero Dāsakasantike.
- 250 Vācesi Dāsako thero
 navaṅgaṃ Sonakassa pi,
 uggahetvāna vācesi
 upajjhāyassa santike.
- 251 Dāsako Sonakaṃ theram
 saddhivihāri anupubbakaṃ
 katvā vinayapāmokkhaṃ
 catusatthimhi nibbuto.

- 252 Cattārīseva vasso
thero Sonakasvhayo,
Kālāsokassa dasavasso
aḍḍhamāsañca sesake.
- 253 Sattarasannaṃ vassānaṃ
thero āsi paṇṇako,
atikkantekādasavassaṃ
chamāsañ cāvasesaṃ.
- 254 Tasmiñ ca samaye therō
Sonako gaṇapuṇḍavo
Siggavaṃ Candavajjiñ ca
akāsi upasampadaṃ.

Tena kho pana samayena vassasatamhi nibbute Bhagavati Vesālikā Vajjiputtakā Vesāliyaṃ dasa vatthūni dīpenti: kappati siṅgiloṇakappo, kappati dvaṅgulakappo, kappati gāmantarakappo, kappati āvāsakappo, kappati anumatikappo, kappati āciṇṇakappo, kappati amathitakappo, kappati tijalogiṃ pātum, kappati adasakaṃ nisīdanam, kappati jātarūparajatanti.

- 255 Dasadasakavassamhi
Sambuddhe parinibbute
Vesāliyaṃ Vajjiputtā
dīpenti dasa vatthuke.
- 256 Tathāgatena paṭikkhittam
sabbaṃ dīpenti akappiyaṃ
Sabbakāmī ca Sālho ca
Revato Khujjasobhito.

- 257 Yaso ca Sāṇasambhūto
ete saddhivihārikā
therā Ānandatherassa
diṭṭhapubbā Tathāgataṃ.
- 258 Sumanō Vāsabhagāmi cā
seyyā saddhivihārikā
dve ime Anuruddhassa
diṭṭhapubbā Tathāgataṃ.
- 259 Ete sattasatā bhikkhū
Vesāliyaṃ samāgatā
Vinayaṃ paṭigaṇhanti
ṭhapitaṃ Buddhasāsane.
- 260 Sabbe pi visuddha cakkhū
samāpattimhi kovidā
paññabhārā viśamyuttā
sannipāte samāgatā.
Dutiyasaṅgahaṃniṭṭhi hitaṃ
Bhāṇavāraṃ catutthaṃ

CHAPTER V.

Bhāṇavāraṃ Pañcamam.

- 261 Parinibbāna samaye
Kusinārāyaṃ puruttame
satta sataśaṣṣāni
jinaputtā samāgatā.
- 262 Etasmim sannipātamhī
thero Kassapasavhayo
Satthukappo mahānāgo,
paṭhavyā natthi īdiso.
- 263 Arahantānaṃ pañcasataṃ
uccinītvāna Kassapo
varam varam gahetvāna
akāsi dhammasaṅgahaṃ.
- 264 Pāṇīnaṃ anukampāya
sāsanaṃ dīghakālikaṃ
akāsi dhammasaṅgahaṃ
tiṇṇaṃ māsānamaccaye
samppatte catutthe māse
dutiye vassupanāyike.
- 265 Sāttapaṇṇaguhadvāre
Māgadhānaṃ Giribbaje
sattamāsehi niṭṭhāsi
paṭhamo saṅgaho ayaṃ.

- 266 Etasmim saṅgahe bhikkhū
 agganikkhittakā bahū
 sabbe pi pāramippattā
 Lokanāthassa sāsane.
- 267 Dhutavādānam aggo so
 Kassapo jinasāsane,
 bahussutānam Ānando,
 Vinaye Upālisavhāyo.
- 268 Dibbacakkhumhi Anuruddho,
 Vaṅgiso paṭibhānavā,
 Puṇṇo ca dhammakathikānaṃ,
 vicitrakathī Kumārakassapo.
- 269 Vibhajjanamhi Kaccāno,
 Koṭṭhito paṭisambhidā,
 aññe patthi mahātherā
 agganikkhittakā bahū.
- 270 Tehi caññehi therehi
 katakiccehi sādhuhi
 pañcasatehi therehi
 dhammavinayo ca saṅgīto :
 therehi katasāṅgaho
 'Theravādo' ti vuccati.
- 271 Upālim Vinayaṃ pucchitvā
 Dhammaṃ Ānandapaṇḍitaṃ
 akamsu dhammasaṅgahaṃ
 Vinayaṃ cāpi kevalaṃ.

- CC-0. Jangamwadi Math Collection. Digitized by eGangotri

- 279 Uddhammaṃ ubbinayaṃ ca
 appagataṃ Satthusāsane
 atthaṃ dhammaṃ ca bhinditvā
 vilomāni dīpayimsu te
- 280 Tesam nigghanatthāya
 bahū Buddhassa sāvākā
 dvādasa sataśassāni
 jinaputtā samāgatā.
- 281 Etasmiṃ sannipātasmiṃ
 pāmokkhā aṭṭha bhikkhavo
 Satthukappā mahānāgā
 durāsadā mahāgaṇī.
- 282 Sabbakāmī ca Sālho ca
 Revato Khujjasobhito
 Vāsabhagāmī Sumano ca
 Sāṇavāsi ca Sambhuto.
- 283 Yaso Kākaṇḍakaputto
 Jinena thomito isi,
 pāpānaṃ nigghanatthāya
 Vesāliyaṃ samāgatā.
- 284 Vāsabhagāmī ca Sumano
 Anuruddhassānuvattakā,
 avasesā thera Ānandassa
 diṭṭhapubbā Tathāgataṃ.
- 285 Susunāgassa putto Asoko
 tadā āsi mahīpati,
 Pāṭaliputte nagaramhi

- 286 Tañca pakkhaṃ labhitvāna
 aṭṭha therā mahiddhikā
 dasa vatthum bhinditvā
 pāpe niddhamayimsu te.
- 287 Niddhametvā pāpabhikkhū
 madditvā vādapāpakaṃ
 sakavādasodhanatthāya
 aṭṭha therā mahiddhikā
- 288 Arahantānaṃ sattasataṃ
 uccinitvāna bhikkhavo
 vāraṃ varaṃ gahe tvāna
 akaṃsu dhammasaṅgahaṃ.
- 289 Kūṭāgārasālāyeva
 Vesāliyaṃ pūrutame
 aṭṭhamāsehi niṭṭhāsi
 dutiyo saṅgaho ayanti.
- 290 Nikkaḍḍhitā pāpabhikkhū
 therehi Vajjiputtakā
 aññaṃ pakkhaṃ labhitvāna
 adhammavādī bahū janā.
- 291 Dasa sahaṣṣā samāgantvā
 akaṃsu dhammasaṅgahaṃ,
 tasmāyaṃ dhammasaṅgīti
 Mahāsaṅgīti vuccati.
- 292 Mahāsaṅgītikā bhikkhū
 vilomaṃ akaṃsu sāsanaṃ,
 bhinditvā mūlasaṅgahaṃ
 aññaṃ akaṃsu saṅgahaṃ.

- 293 Aññattho saṅgahitaṃ suttaṃ
 aññattha akariṃsu te ;
 atthaṃ dhammañ ca bhindimṣu
 nikāyesu ca pañcasu.
- 294 Pariyāyadesitañcāpi
 atho nippariyāyadesitaṃ
 nītatthañceva neyyatthaṃ
 ajānitvāna bhikkhavo.
- 295 Aññaṃ sandhāya bhaṇitaṃ
 aññatthaṃ tṭhapayimṣu te,
 byañjanacchāyāya te bhikkhū
 bahu atthaṃ vināsayuṃ.
- 296 Chadḍetvā ekadesaṇca
 Suttaṃ Vinayañ ca gambhīraṃ
 paṭirūpaṃ Suttavinayaṃ
 tañ ca aññaṃ kariṃsu te.
- 297 Parivāraṃ atthuddhāraṃ
 Abhidhammappakaraṇaṃ
 Paṭisambhidañ ca Niddesaṃ
 ekadesaṇca Jātaṃ,
 ettakaṃ vissajjetvāna
 aññāni akariṃsu te.
- 298 Nāmaṃ līgaṃ parikkhāraṃ
 ākappakaraṇāni ca
 pakatibhāvaṃ vijahetvā
 tañca aññaṃ akamsu te.

- 299 Pubbaṅgamā bhinnavādā
 Mahāsaṅgītikāraḥ,
 tesaṃ ca anūkāreṇa
 bhinnavādā bahū ahū
- 300 Tato aparakālamhi
 tasmim bhedo ajāyatha :
 Gokulikā Ekabyohārā
 duvidhā bhijjittha bhikkhavo.
- 301 Gokulikānaṃ dve bhedā
 aparakālamhi jāyatha :
 Bahussutakā ca Paññatti
 duvidhā bhijjittha bhikkhavo
- 302 Cetiya ca punavādi
 Mahāsaṅgītibhedakā,
 pañca vādā ime sabbē
 Mahāsaṅgītimūlakā.
- 303 Atthaṃ dhammaṃ ca bhindimsu
 ekadesaṃ ca saṅgahāṃ
 gaṇthiṃ ca ekadesamhi
 chaḍḍetvā aññaṃ akaṃsu te.
- 304 Nāmaṃ līgaṃ parikkhāraṃ
 ākappakaraṇāni ca
 pakātibhāvaṃ vijahetvā
 tañca aññaṃ akaṃsu te.
- 305 Visuddhatheravādamhi
 puna bhedo ajāyatha :
 Mahimsāsakā Vajjiputtakā
 duvidhā bhijjittha bhikkhavo.

- 306 Vajjiputtakavādāmihi
 catudhā bhedo ajāyatha :
 Dhammuttarikā Bhaddayānikā
 Chaṇḍagārikā ca Sammitī.
- 307 Mahimsāsakānaṃ dve bhedā
 aparākālamhi jāyatha :
 Sabbatthivādā Dhammaguttā
 duvidhā bhijjittha bhikkhavo.
- 308 Sabbatthavādā Kassapikā
 Kassapikā Saṅkantikā
 Suttavādā tato aññā
 anupubbena bhijjittha.
- 309 Ime ekādasa vādā
 pabhinnā theravādato.
 atthaṃ dhammañca bhindimsu
 ekadesaṇca saṅghaṃ
 ganṭhiṇca ekadesamhi
 chaḍḍetvāna akāṃsu te.
- 310 Nāmaṃ liṅgaṃ parikkhāraṃ
 ākappakaraṇāni ca
 pakatibhāvaṃ vijahetvā
 taṇca aññaṃ akāṃsu te.
- 311 Sattarasa bhinnavādā
 ekō vādo abhinnako ;
 sabbevaṭṭhārasa honti
 bhinnavādāna te satta.

- 312 Nigrodho vamaḥārukkho
 theravādānaṃ uttamo
 anūnaṃ anadhikañceva
 kevaḷaṃ jinasāsaṇaṃ,
 kaṇṭakā viya rukkhamhi
 nibbattā vādasesakā.
- 313 Paṭhame vassasate natthi;
 dutiye vassasatantare
 bhinnā sattarasā vādā
 uppannā Jinasāsane.
- 314 Hemavatikā Rājagirikā
 Siddhatthā Pubbāparaselikā
 aparo Rājagiriko
 chaṭṭhā uppannā aparāparā.
 Ācariyavādaṃ niṭṭhitam.
- 315 Anāgate vassasate
 vassānaṭṭhārasāni ca
 uppajjissati so bhikkhu
 samaṇo paṭirūpako.
- 316 Brahmaloḷkā cavityāna
 uppajjissati mānuse,
 jaccā brāhmaṇagottena
 sabbamantānapārāgū.
- 317 Tissoti nāma nāmena
 Putṭo Moggalisāvhyo ;
 Siggavo Candavajjo ca
 pabbājessanti dāraḷam.

- 318 Pabbajito tadā Tisso
 pariyattiñca pāpuṇi
 bhindivā titthiyavādaṃ
 pātiṭṭhapessati sāsanaṃ.
- 319 Pāṭaliputte tadā rājā
 Asoko nāma nāyako
 anusāsati so rajjaṃ
 dhammiko raṭṭhavaḍḍhano.
- 320 Sabbe sattasatā bhikkhū
 anusāsetvāna sāsanaṃ
 dasa vatthūni bhinditvā
 therā te parinibbutā
- 321 Brahmaloḷkā cavitvāna
 uppanno mānuse bhava
 jātiyā soḷasavasso
 sabbamantānapāragū.
- 322 Pucchāmi samaṇaṃ paṇhaṃ
 ime paṇhe viyākara,
 Iruvedaṃ Yajuvedaṃ Sāmavedampi
 nighaṇḍuṃ itihāsañca pañcamam.
- 323 Therenā ca katokāso
 paṇhaṃ pucchi anantaro,
 paripakkañānaṃ māṇavaṃ
 Siggavo etadabravi :
- 324 Ahampi māṇava paṇhaṃ
 pucchāmi Buddhadesitaṃ,
 yadi pi kusalo paṇhaṃ
 byākarohi yathātatham

- 325 Bhāsitenā sāha pañhe
na me diṭṭhaṃ na me sutam,
pariyāpuṇāmi taṃ mantam,
pabbajjā mama ruccati.
- 326 Sambādhāya gharāvāsā
nikkhamitvāna māṇavo
anagāriyaṃ santibhāvaṃ
pabbaji jinasāsane.
- 327 Sikkhākāmaṃ garucittam
Candavajjo bahussuto
anusāsittha sāmaṇeraṃ
navaṅgaṃ satthusāsanaṃ.
- 328 Siggavo nīharitvāna
pabbajjāpesi dārakaṃ,
susikkhitam mantadharāṃ
Candavajjo bahussuto
navaṅgaṃ anusāsetvā
therā te parinibbutāti.
- 329 Candaguttassa dvevasse
catusaṭṭhi ca Siggavo
tadāṭṭhapaññāsa vassāni
Pakuṇḍakassa rājino,
upasampanno Moggaliputto
Siggavatherasantike.
- 330 Tisso Moggaliputto ca
Candavajjassa santike
Vinayaṃ uggahetvāna
vimutto upadhisaṅkhaye.

- 331 Siggavo Candavajjo co
Moggaliputtam mahājutim
vācesum piṭakam sabbam
ubhiatosāṅgahapunṇakam
- 332 Siggavo ñānasampanno
Moggaliputtam mahājutim
katvā vinayapāmokkham
nibbuto so chasattati.
- 333 Candagutto rajjam kāresi.
vassāni catuvīsati,
tasmiñ cuddasavassamhi
Siggavo parinibbuto.
- 334 Ārañṇako dhutavādo
appiccho kānane rato
sabbaso so rato danto
saddhamme pāramigato.
- 335 Pantasenāsane ramme
ogāhetvā mahāvanam
eko adutiyo sūro
siho va girigabbhare.
- 336 Nibbuto lokanāthassa
vassāni sclasam ahu,
samasaṭṭhi tadā hoti
vassam Upālipaṇḍitam.
- 337 Ajātasattu catuvisam,
Vijayassa soḷasam, ahū
Dāsako upasampanno
Upālitherasantike.

- 338 Cattālis'eva vassāni
Dāsako nāma paṇḍito,
Nāgadāse dasavasse,
Pakuṇḍa kassa visati.
- 339 Upasampanno Sonako
Thero Dāsakasantike
cattālisavasso dhīro
Thero Sonakasavhayo.
- 340 Kālāsokassa dasavasse,
Tambapaṇṇi antarāvāse,
vassaṃ ekādasam bhava
Siggavo upasampanno
Sonakatherasantike.
- 341 Candaguttassa dvevasse,
catusaṭṭhi Siggavo tadā,
aṭṭhapaññāsa rājino.
Pakuṇḍakassa rājino,
upasampanno Moggaliputto
Siggavatherasantike.
- 342 Asokadhammassa chavasse
chasatṭhi Moggaliputto ahū,
aṭṭhacattālisa vassāni
Muṭṭasivassa rājino,
Mahindo upasampanno,
Moggaliputtassa santike.

- 343 Uggahesi Vinayañ ca
Upāli Buddhasantike,
Dāsako Vinayam sabbam
Upālitherasantike
uggahetvāna vācesi
upajjhāyo va sāsane.
- 344 Vācesi Dāsako thero
Vinayam Sonakassa pi,
pariyāpuṇitvā vācesi
upajjhāyassa santike.
- 345 Sonako buddhisampanno
dhammavinayakovido
vācesi Vinayam sabbam
Siggavassa anuppadam.
- 346 Siggavo Candavajjo ca
Sonakasaddhivihārikā,
vācesi Vinayam thero
ubho saddhivihārike.
- 347 Tisso Moggaliputto ca
Candavajjassa santike
Vinayam uggahetvāna
Vimutto upadhisaṅkhaye.
- 348 Moggaliputto upajjhāyo
Mahindam saddhivihārikam
vācesi Vinayam sabbam
theravādam anūnakam.

- 349 Parinibbute Sambuddhe
Upālithero mahājūti
Vinayaṃ tāva vācesi
tiṃsa vassaṃ anūnakam.
- 350 Saddhivihārikaṃ theram
Dāsakaṃ nāma paṇḍitaṃ
Vinayaṭṭhāne ṭhapetvāna
nibbuto so mahāmati.
- 351 Dāsako Sonakaṃ theram
saddhivihāriṃ anuppadaṃ
katvā vinayapāmoḁkkaṃ
catusaṭṭhimhi nibbuto.
- 352 Sonako chaḷabhiññāṇo
Siggavaṃ ariyatrajaṃ
Vinayaṭṭhāne ṭhapetvāna
chasaṭṭhimhi ca nibbuto.
- 353 Siggavo ñāṇasampanno
Moggaliputtaṃca dārakaṃ
katvā vinayapāmoḁkkaṃ
nibbuto so chasattati.
- 354 Tisso Moggaliputto ca
Mahindaṃ saddhivihārikaṃ
katvā vinayapāmoḁkkaṃ
chāsītivassamhi nibbuto.
- 355 Catusattati Upāli ca,
catusaṭṭhi ca Dāsako,
chasaṭṭhi Sonako thero
Siggavo tu chasattati
asīti Moggaliputto.

- 356 Sabbakālamhi pāmokkho
 Vinaye Upālipaṇḍito,
 paññāsaṃ Dāsako thero,
 catucattārisaṅca Sonako,
 pañcapaññāsavassam Siggavassa,
 aṭṭhasaṭṭhi Moggaliputtasavhayo.
- 357 Udayo solasavassāni
 rajjam kāresi khattiyo ;
 chavasse Udayabhaddamhi
 Upālithero nibbuto.
- 358 Susunāgo dasavassam
 rajjam kāresi issaro
 aṭṭhavassee Susunāgamhi
 Dāsako parinibbuto.
- 359 Susunāgassaccayena
 honti te dasa bhātaro,
 Sabbe dāvisati vassam
 rajjam kāresum vamsato ;
 imesaṃ chaṭṭho vassānaṃ
 Sonako parinibbuto.
- 360 Candagutto rajjam kāresi
 vassāni catuvīsati ;
 tasmiṃ cuddasavassamhi
 Siggavo parinibbuto
- 361 Bindusārassa yo putto
 Asokadhammo mahāyaso
 vassāni sattatimsāni
 rajjam kāresi khattiyo.

- 362 Asokassa chavisativasse
Moggaliputtasavhayo
sāsanam jotayitvāna
nibbuto āyusaṅkhaye
- 363 Catusattativassamhi
thero Upālipaṇḍito
saddhivihārikam theram
Dāsakam nāma paṇḍitam
Vinayaṭṭhāne ṭhapetvāna
nibbuto so mahāgaṇī,
- 364 Dāsako Sonakam theram
saddhivihārikam anuppadam
katvā vinayapāmoikkham
catusaṭṭhimhi nibbuto,
- 365 Sonako chaḷabhiññāṇo
Siggavam ariyatrajam
Vinayaṭṭhāne ṭhapetvāna
chasaṭṭhimhi parinibbuto.
- 366 Siggavo ñāṇasampanno
Moggaliputtañca dārakam
katvā vinayapāmoikkham
nibbuto so chasattati.
- 367 Tisso Moggaliputto so
Mahindam saddhivihārikam
katvā vinayapāmoikkham
asativassamhi nibbuto.

KHUDDAKA PĀṬHA.

Namo Tassa Bhagavato Arahato Sammā Sambuddhassa.

TISARAṆAM.

I

Buddhaṃ saraṇaṃ gacchāmi.
Dhammaṃ saraṇaṃ gacchāmi.
Saṅghaṃ saraṇaṃ gacchāmi.
Dutiyam pi Buddhaṃ saraṇaṃ gacchāmi.
Dutiyam pi Dhammaṃ saraṇaṃ gacchāmi.
Dutiyam pi Saṅghaṃ saraṇaṃ gacchāmi.
Tatiyam pi Buddhaṃ saraṇaṃ gacchāmi.
Tatiyam pi Dhammaṃ saraṇaṃ gacchāmi.
Tatiyam pi Saṅghaṃ saraṇaṃ gacchāmi.

Tisaraṇaṃ.

DASA-SIKKHĀPADĀNI

2

Pāṇātipātā veramaṇī sikkhāpadaṃ.
Adinnādānā veramaṇī sikkhāpadaṃ.
Abrahmacariyā veramaṇī sikkhāpadaṃ.
Musāvādā veramaṇī sikkhāpadaṃ.
Surāmerayamajjapamādaṭṭhānā veramaṇī sikkhāpadaṃ.
Vikālabhojanā veramaṇī sikkhāpadaṃ.
Naccagītavāditavisūkadassanā veramaṇī sikkhāpadaṃ.
Mālāgandhavilepanadhāraṇamandanavibbūsaṇaṭṭhānā
veramaṇī sikkhāpadaṃ.

Uccasayana-Mahāsayanā veramaṇi sikkhāpadaṃ.
 Jātarūparajatapaṭiggahanā veramaṇi sikkhāpadaṃ.
 Dasasikkhāpadaṃ.

3

DVATTIṂSĀKĀRAM.

Atthi imasmiṃ kāye kesā lomā nakhā dantā taco
 maṃsaṃ nahāru aṭṭhi aṭṭhimiṇṇā vakkhaṃ
 hadayaṃ yakanāṃ kilomakaṃ pihakaṃ papphāsaṃ
 antaṃ antagaṇaṃ udariyaṃ karisaṃ
 Pittaṃ semhaṃ pubbo lohitaṃ sedo medo
 assu vasā kheḷo siṅghāṇikā lasikā muttaṃ
 matthake matthaluṅgaṃ . Dvattiṃsākāraṃ

4

KUMĀRAPAÑHAM.

Eka' nāma kiṃ.
 sabbe sattā āhāraṭṭhitikā.
 Dve nāma kiṃ.
 Nāmañ ca rūpañ ca.
 Tini nāma kiṃ.
 Tisso vedanā.
 Cattāri nāma kiṃ.
 Cattāri ariyasaccāni.
 Pañca nāma kiṃ.
 Pañc'upādānakkhandhā.
 Cha nāma kiṃ.
 Cha ajjhattikāni āyatanāni.
 Satta nāma kiṃ.
 Satta bojjhaṅgā.

Aṭṭha nāma kiṃ.

Ariyo aṭṭhaṅgiko maggo.

Nava nāma kiṃ.

Nava sattāvāsā.

Dasa nāma kiṃ.

Dasah' aṅgehi samannāgato arahā'ti

vuccati.

Kumārapaṇho.

MAṄGALASUTTAM

Evam me sutam. Ekam samayaṃ Bhagavā Sāvatthiyam viharati Jetvane Anāthapiṇḍikassa ārāme. Atha kho aññatarā devatā abhikkantāya rattiyā abhikkanta-vaṇṇā kevalakappaṃ Jetavanam obhāsetvā yena Bhagavā ten' upasaṅkami, upas aṅkamtivā Bhagavantam abhivādetvā ekamantaṃ aṭṭhāsi. Ekamantaṃ tṭhitā kho sā devatā Bhagavantam gāthāya ajjhabhāsi :—

- 1 Bahūdevā manussā ca maṅgalāni acintayum,
Ākaṅkhamānā sotthānam brūhi maṅgalamuttamaṃ
- 2 Asevanāca bālānam paṇḍitānañ ca sevānā,
pūjā ca pūjanīyānam etaṃ maṅgalamuttamaṃ.
- 3 Patirūpadesavāso ca pubbe ca katapuññatā
Aṭṭasammāpaṇidhi ca etaṃ maṅgalamuttamaṃ,
- 4 Bāhusaccañca sippaṇca vinayo ca susikkhito,
Subhāsītā ca yā vācā etaṃ maṅgalamuttamaṃ.
- 5 Mātāpitu upatṭhānam puttadāraṃ saṅgaho
Anākulā ca kammantā etaṃ maṅgalamuttamaṃ.

- 6 Dānañ ca dhammacariyā ca ñātakānañca saṅgaho
Anavajjāni kammāni etaṃ maṅgalamuttamaṃ,
- 7 Ārati vīrati pāpā majjapānā ca saññāmo,
Appamādo ca dhammesu etaṃ maṅgalamuttamaṃ
- 8 Gāravo ca nivāto ca santuṭṭhi ca kataññutā
Kālena dhammasavaṇaṃ etaṃ maṅgalamuttamaṃ
- 9 Khanti ca sovacassatā samañānañca dassanaṃ
Kālena dhammasākacchā etaṃ maṅgalamuttamaṃ.
- 10 Tapo ca brahmacariyā ca ariyasaccāna' dassanaṃ
Nibbānasacchikiriyā ca etaṃ maṅgalamuttamaṃ.
- 11 Phutṭhassa lokadhammehi cittaṃ yassa na kampaṭi.
Asokaṃ virajaṃ khemaṃ etaṃ maṅgalamuttamaṃ.
- 12 Etādisāni katvāna sabbattha -m-aparājitā.
Sabbattha sotthiṃ gacchanti taṃ tesaṃ maṅgala:
muttamaṃ
Maṅgalasuttaṃ niṭṭhitaṃ.

RATANASUTTAM.

6

- (1) Yānidha bhūtāni samāgatāni
Bhummāni vā yāni vā antalikkhe
sabb' eva bhūtā sumanā bhavantu
Atha pi sakkacca' suṇantu bhāsitaṃ.
- (2) Tasmā hi bhūtā nisāmetha sabbe
Mettaṃ karotha mānusiya pajāya
Divā ca ratti ca haranti ye baḷiṃ
Tasmā hi na rakkhatha appamattā.

- (3) Yaṃ kiñci vittaṃ idha vā huraṃ vā
Saggesu vā yaṃ ratanaṃ paṇitaṃ
Idaṃ pi Buddh'e ratanaṃ paṇitaṃ
Etena saccena suvatthi hotu.
- (4) Khayaṃ virāgaṃ amataṃ paṇitaṃ
Yadajjhagā Sākyamuni samāhito
Na tena dhammena sam'atthi kiñci
Idaṃ pi dhamme ratanaṃ paṇitaṃ
Etena saccena suvatthi hotu.
- (5) Yaṃ Buddhas'eṭṭho parivaṇṇayi suciṃ
samādhimānantarikaññaṃ māhu
Samādhinā tena saho na vijjati
Idaṃ pi dhamme ratanaṃ paṇitaṃ
Etena saccena suvatthi hotu.
- (6) Ye puggalā aṭṭha sataṃ pasatthā
Cattāri etāni yugāni honti,
Te dakkhiṇeyyā sugatassa sāvaka
Etesu dinnāni mahapphalāni
Idaṃ pi saṅghe ratanaṃ paṇitaṃ
Etena saccena suvatthi hotu.
- (7) Ye suppayuttā manasā daḥhena
Nikkāmino Gotamasāsanamhi
Te pattipattā amataṃ vigayha
Laddhā mudhā nibbutiṃ bhuñjamānā
Idaṃ pi saṅghe ratanaṃ paṇitaṃ
Etena saccena suvatthi hou.

- (8) Yath' indakhīlo paṭhaviṃ sito siyā
Catūbhi vātebhi asampakampiyo
Tathūpamaṃ sappurisaṃ vadāmi
Yo ariyasaccāni avecca passati,
Idam pi saṅghe ratanaṃ paṇītaṃ
Etena saccena suvatthi hotu.
- (9) Ye ariyasaccāni vibhāvayanti
Gambhīrapaññena sudesitāni
Kiñcāpi te honti bhūsappamattā
Na te bhavaṃ aṭṭhamaṃ ādiyanti
Idam pi saṅghe ratanaṃ paṇītaṃ
Etena saccena suvatthi hotu.
- (10) Sahāvassa dassanasampadāya
Tayassu dhammā jahitā bhavanti
Sakkāyadiṭṭhi vicikicchitaṃ ca
Silabbataṃ vāpi yadatthi kiñci
'catūh' apāyehi ca vipparamutto
Cha cābhiṭṭhānāni abhabbo kātuṃ
Idaṃ pi saṅghe ratanaṃ paṇītaṃ
Etena saccena suvatthi hotu.
- (11) Kiñcāpi so kammaṃ karoti pāpakaṃ
Kāyena vācā uda cetasā vā
Abhabbo so tassa paṭicchādāya
Abhabbatā diṭṭhapadassa vutto
Idam pi saṅghe ratanaṃ paṇītaṃ
Etena saccena suvatthi hotu.
- (12) Vanappagumbe yathā phussitagge
Gimhānamāse pathamasmiṃ gimbe

Tathūpamaṃ dhammavaraṃ adesayī
 Nibbānagāmiṃ paramaṃ hitāya
 Idam pi Buddhē ratanaṃ paṇītaṃ
 Etena saccena suvatthi hotu.

(13) Varo varaññū varado varāharo
 Anuttaro dhammavaraṃ adesayī
 Idam pi Buddhē ratanaṃ paṇītaṃ
 Etena saccena suvatthi hotu.

(14) Khīṇaṃ purāṇaṃ navaṃ n'atthi sambhavaṃ
 Virattacittā āyatike bhavasmim
 Te khīṇabījā avirūhichandā
 Nibbanti dhīrā yath 'ayaṃ padīpo
 Idam pi saṅghe ratanaṃ paṇītaṃ
 Etena saccena suvatthi hotu.

(15) Yānidha bhūtāni samāgatāni
 Bhum māni vā yāni vā antalikkhe
 Tathāgataṃ devamanussapūjitaṃ
 Buddhaṃ namassāma suvatthi hotu.

(16) Yānidha bhūtāni samāgatāni
 Bhum māni vā yāni vā antalikkhe
 Tathāgataṃ devamanussapūjitaṃ
 Dhammaṃ namassāma suvatthi hotu.

(17) Yānidha bhūtāni samāgatāni
 Bhum māni vā yāni vā antalikkhe
 Tathāgataṃ devamanussa pūjitaṃ
 Saṅghaṃ namassāma suvatthi hotu.

TIROKUDDASUTTAM

- (1) Tiro kuḍḍesu tiṭṭhanti sandhi siṅghāṭakesu ca
Dvārabāhāsu tiṭṭhanti āgantvāna sakam gharam.
- (2) Pahūte annapānamhi khajjabhojje upaṭṭhite
Na tesam koci sarati sattānam kammaṇaccayā.
- (3) Evaṃ dadanti nātīnam ye honti anukampakā
Suciṃ paṇītam kālena kappiyaṃ pānabhojanaṃ
Idaṃ vo nātīnam hotu sukhitā hontu nātayo.
- (4) Te ca tattha samāgantvā nātīpetā samāgatā
Pahūte annapānamhi sakkaccaṃ anumodare.
- (5) Ciraṃ jīvantu no nāti yesaṃ hetu labhāmase
Amhākañ ca katā pūjā dāyakā ca anipphalā.
- (6) Na hi tattha kasi-atthi gorakkh'ettha na vijjati
Vānījjā tādīsī n'atthi hiraññaena kayakkayaṃ
Itodinnena yāpenti petā kālaṇkatā tahiṃ.
- (7) Unname udakaṃ vaṭṭhaṃ yathā ninnaṃ pavattati
Evameva ito dinnaṃ petānaṃ upakappati.
- (8) Yathā vārivahā pūrā paripūrenti sāgaram
Evaṃ eva ito dinnaṃ petānaṃ upakappati.
- (9) Adāsi me akāsi me nātīmīttā sakha ca me
Petānaṃ dakkhiṇaṃ dajjā pubbe kataṃ anussaraṃ.
- (10) Na hi ruṇṇaṃ vā soko vā yā c'añña paridevanā
Na taṃ petānaṃ atthāya evaṃ tiṭṭhanti nātayo.
- (11) Ayañ ca kho dakkhiṇā dinnā saṅghamhi
suppatitṭhitā
Digharattaṃ hitāyassa bhānase upakappati.

- (12) So ñātidhammo ca ayaṃ nidassito
 petānaṃ pūjā ca katā ulārā
 Balañ ca bhikkhūnaṃ anuppadinnaṃ
 Tumhehi puññaṃ pasutam anappakaṃ
 Tirokuḍḍasuttaṃ niṭṭhitaṃ.

NIDHIKAṆḌA SUTTAM.

- (1) Nidhiṃ nidheti puriso gambhīre odakantike
 Atthe kicce samuppanne atthāya me bhavissati.
- (2) Rājato vā pamokkhāya corato pīlitassa vā
 Iṇassa vā pamokkhāya dubbhikkhe āpadāsu vā.
 Etadatthāya lokasmiṃ nidhi nāma nidhiyate,
- (3) Tāva sunihito santo gambhīre odakantike
 Na sabbo sabbadā eva tassa taṃ upakappati.
- (4) Nidhi vā ṭhānā cavati saññā vā'ssa vimuyhati
 Nāgā vā apanāmenti yakkhā vā haranti naṃ.
- (5) Appiyā vā pi dāyādā uddharanti apassato
 Yadā puññakkhayo hoti sabbam etaṃ vinassati.
- (6) Yassa dānena sīlena saṃyamena damena ca
 Nidhi sunihito itthiyā purisassa vā.
- (7) Cetiyamhi ca saṅghe vā puggale atithīsu vā
 Mātari pitari vā pi atho jeṭṭhamhi bhātari
- (8) Eso nidhi sunihito ajeyyo anugāmiko
 Pahāya gamanīyesu etaṃ ādāya gacchati.
- (9) Asādhāraṇaṃ aññesaṃ acoraharaṇo nidhi
 Kayirātha dhīro puññāni yo nidhi anugāmiko.
- (10) Esa devamanussānaṃ sabbakāmadado nidhi
 Yaṃ yad evaṃ patthenti sabbam etena labbhati.

- (11) suvaṇṇatā sussaratā susaṇṭhānā surūpa tā
Adhipaccaparivārā sabbam etena labbhati.
- (12) Padesarajjam issariyaṃ cakkavattisukhaṃ piyaṃ
Devarajjam pi dibbesu sabbam etena labbhati.
- (13) Mānussikā ca sampatti devaloke ca rati
yā ca nibbānasampatti sabbam etena labbhati.
- (14) Mittasampadam āgamma yoniso ve payuṇṇato
Vijjā vimutti vasībhāvo sabbam etena labbhati
- (15) Paṭisambhidā vimokkhā ca sāvakaṇāmaṃ,
Paccekaṇāmaṃ Buddhānaṃ sabbam etena
labbhati.
- (16) Evam mahiddhiyā esā yadidaṃ puṇṇasampadā.
Tasmā dhīrā paṇḍitaṃ paṇḍitā katapuṇṇatā.
Nidhikaṇḍasuttaṃ nīṭṭhitam.

KARAṆĪYAMETTASUTTAM

- (1) Karaṇīyaṃ atthakusalena
yan taṃ santaṃ padaṃ abhisamecca
Sakko ujū ca sūjū ca
Suvaco c'assa mudu anatimāni.
- (2) Santussako ca subharaṇo ca
Appakicco ca sallahukavutti
Santindriyo ca nipako ca
Appagabbho ca kulesu ananugiddho.
- (3) Na ca khuddaṃ samācare kiñci
Yena viññū pare upavadeyyuṃ
- (4) Sukhino vā khemino hontu
Sabbe sattā bhavantu sukhitattā.

- (5) Ye keci pānabhūt' atthi
Tasā vā thāvarā vā anavasesā
Dighā vā ye mahantā vā
Majjhimā rassakā anukathulā.
- (6) Diṭṭhā vā ye vā adiṭṭhā
Ye vā dūre vasanti avidūre
Bhūtā vā sambhavesi vā
Sabbe sattā bhavantu sukhittattā.
- (7) Na paro param nikubbetha
Nātimaññetha katthaci naṃ kiñci
Byārosanā paṭighasaññā
Naññamaññassa dukkham iccheyya.
- (8) Mātā yathā niyaṃ puttam
Āyusā ekaputtam anurakkhe
Evam pi sabbabhūtesu
Mānasam bhāvayye aparimāṇam
- (9) Mettañ ca sabbalokāsmiṃ
Mānasam bhāvaye aparimāṇam
uddham adho ca tiriyañca
Asambādham averam asapattam
- (10) Tiṭṭham caram nisiṃno vā
Sayāno vā yāvat'assa vigatamiddho
Etaṃ satim adhiṭṭheyya
Brahmam etaṃ vihāram idha-m āhu.
- (11) Diṭṭhiñ ca anupagamma
Silavā dassanena sampanno
Kāmesu vineyya gedham
Na hi jātu gabbhaseyyaṃ punareti

Mettasuttam niṭṭhitam

KHUDDAKAPAKARAṆAM NIṬṬHITAM

CC-0. Jangamwadi Math Collection. Digitized by eGangotri

Acc. No. 149

Jangamwadi Math

LIBRARY

VARANASI

SRI JAGADGURU VISHWANATH
JNANA SIMHASAN JNAN
LIBRARY.

Jangamwadi Math. VARANASI

Acc. No.

